


BIBLIOTEKA


Zaki. Nar. im. Ossolińskich

XVII

1.057

nich
u.
Seidwitz;
niel





REFUTATIO
THESIUM,

3.

*De Sacro sancta unitate Divinae essentiae, &c.
in eadem Sacro sancta personarum Trinitate,*

a IACOBO SCHOPPERO SS. Theologiae Doctore
& Professore primario

Altioris anno 1613. propositarum.

*Cui addita est responsio ad ea, quæ HERMANNUS RAVEN-
S PERGERUS S. Th: Doctor, in Gymnasio Steinfurtensi prä-
ter hæc attulit, in scripto, cui titulum fecit: SS. Mysterium unita-
tis essentia divinae in personarum Trinitate, duabus sectio-
nibus per Theses & exegeses explicatum, &c.*

scripta

a

VALENTINO SMALCIO.

Cœtus Racoviensis Ministro.



15.840

*Ex libris Jacobi Siemiersk
Palatini Bodl. in Ratiorum*

RACOVIAE,
Typis Sternacianis,
Anno 1614.



REFUTATIO THESIUM

De S. Trinitate D. IACOBIS SCHOPPERI.

THESIS de S. Trinitate, crassâ, ut ajunt, Minervâ, D. Schopperus nuper edidit. Has refutandas eo fine sumsi, ut, qui alia nostrorum prolixa ea de re scripta, haec tenus non viderunt, habeant, unde judicium de hoc Trinitatis dogmate ferre possint. Primum igitur definitionem nobis Thesis 2. DE Iaffert, ex locis communibus D. Philippi. Sed lapsus hic in ipso disputationis limine nimis gravis est. Nam in rebus divinis autoritate tantum divina standum esse haec tenus vos Evangelici, constanter nobiscum contenditis; Philippus autem Melanchthon, quantumvis vir magnus fuerit, non est ex numero illorum, nec ipse met esse voluit, quorum autoritas nobis pro regula fidei censenda sit, præsertim quod non pauca, quæ in hoc verboso commentariolo potius quam in definitione continentur, mera sint petitio principii. Ad convincendum autem adversarium ea afferenda sunt, quæ ipse met vera esse diffiteri non possit.

Probat deinceps Schopp: a thes: 4. usque ad 16. tum testimoniiis sacrarum literarum, tum rationibus, unitatem divinæ essentiae. Quæ, quia a nobis etiam conceduntur, nunc omitto. Duo autem annotatione libet. Vnum est, Quo jure infra thesi 46. reprehendat Arianos, quos multa argumenta ex ratione humana defensisse ait, cum ipse met thes: 9, 10, & 11. tria argumenta ex ipsa etiam humana ratione de prompta afferat? Num quod Schoppero licet, non licuit aliis? Alterum est, Quam aptè thesi 12. dicat: Et sciendum est, Deum unum esse essentiam, non tantum consensu, cum haec tenus de pluralitate personarum in divinitate nihil dixerit, sed de sola Dei essentia unitate agat; hæc autem, quæ de unitate concordia differit, non nisi respectu personarum, quas in divinitate statuit Schopperus, dici possint.

Thesi 16. fatetur Schopp: vocem Trinitatis in sacris literis non extare, rem tamen ipsam satis claram esse. An res clara sit, quam voce Trinitatis Schopperus intelligit, postmodum videbimus. Nunc hoc dico: Siquidem vox Trinitatis in sacris literis non extat, quod nuper etiam D. Graverus in i. thesi de Spiritu S. confessus est, non esse necessariò ad salutem a quoquam exigendum, ut Trinitatem, qualis intelligit Schopp: , nempe quod Pater Filius & Spiritus Sanctus sint tres diversæ personæ, & rursus hæ personæ sint una essentia, credat. Quicquid enim ad salutem necessarium est simpliciter, id totum in literis sacris ad literam scriptum esse necesse est.

Si quis est, qui Athanasium, Sathanasium appellat, quod queritur

Causa refutatio-
nis.

In rebus divinis
si la autoritas di-
vina valet.

Schopperus sibi
non confitatur.

Necessaria ad sa-
lutem extant o-
mnia in sacris li-
teris.

4 Refutatio Thesum

Convicta fugienda.

Quid sit Trinitas
ex mente veteris.

Matth. 28, 19.

Errores Schopperi.

De loco i. ex
cap. i. Genes.

Cur numero pluri-
ali Dii appellentur.

Pagnini in thesau-
ri lingua sacra.

Testimonium
Calvini.

thesi 17. id nobis omnibus fraudi esse non debet. Tales enim cavillationes & convictia prorsus indigna esse homine Christiano agnoscimus, & fugienda omnibus piis censemus.

Vocem Triadis usitataam fuisse ante Athanasium, etiam si concedamus, nihil juvabit Schopperum. Nec enim ista significatione id factum esse docebit D. Schopperus, quâ ille vocem hanc nunc accipit: sed eo sensu vox ista usurpata fuit, ut Patrem, Filium & Spiritum sanctum, & doctrinam de illis tribus significaret. Nam sine institutione de his tribus, & confessione horum trium neminem Christianum esse posse, Christi verba, *Ite, facite discipulos omnes gentes, baptizantes eos in nomen Patris Filii & Spiritus sancti,* satis luculenter ostendunt.

Deinde Schopperus a thesi 19. usque ad 39. testimonia afferit, quibus probare conatur mysterium suæ Trinitatis. Sed duplex error est in ista probatione Schopperi. Primum enim in placuisse nihil extat de Trinitate illa, ut sic loquar, h.e. de Patre, Filio, & Spiritu sancto. Deinde ea etiam, in quibus Trinitatis, hoc est, Patris, Filii, & Spiritus S. fit mentio, Trinitatē Schopperi nullo modo probant. Trinitatem illam, hoc est, quod sit Pater Filius & Spiritus sanctus, non probat primū locus Gen:i., quem thesi 19. afferit Schopperus, *In principio creavit Dii cælum & terram.* Nam vox *Dii* non personarum sed Deorum multitudinem denotat. Quia vero multitudinem Deorum aversatur Schopperus, loquendi modum Hebraicum agnoscat necesse est, admodum familiarem isti linguae, quo, loco numeri singularis, pluralis usurpatur, præsertim vero in iisvocabus, quæ imperium, dominacionem, potentiam gubernationemque aliquam declarant, ut patet etiam in nominibus Adon & Baal, quæ numero plurali tunc etiam efferruntur, quando de uno tantum homine sermo est, ut ab hominibus linguae Hebraicæ peritissimis observatum est. Adde, quod etsi vox *Dii* personas significaret, non tamen constaret, an duæ vel tres vel quatuor intelligenda essent. Non enim posito numero plurali, neccessariò ponitur ternarius, ut posito ternario, ponitur pluralis. Sed tandem, audiamus testimonium virti inter Evangelicos magni, & minimè suspecti, Iohannis Calvini, quem etiam doctissimum interpretem quidam appellare non dubitant. Is sic scribit in hunc locum: *Nomen Elohim pluralis numeri habetur apud Mosen, unde colligere solent, hic in Deo notari tres personas. Sed quia parum solida mihi videtur tantæ rei probatio, ego in voce non insistam. Quin potius monendi sunt lectores, ut sibi a violentis ejusmodi glossis abstineant. Putant illi, se testimonium habere adversus Arianos ad probandam Filii & Spiritus S. divinitatem: interese in involvunt in errorem Sabellii, Quia postea subjicit Moses, Elohim*

bim locutum eſſe, & Spiritum Elohim incubuiſſe aquis. Si tres personas notari placet, nulla erit earum diſtinctio. Sequetur enim & Filium a ſepſo genitum, & Spiritū non eſſe Patris ſed ſuipſius. Haec tenus Calvinus. De Spiritu porrò, cuius Moſes meminit, non conſtat, an ſit Spiritus ille sanctus, de quo nunc nobis ſermo eſt. Non defunt enim, qui per vocem Spiritus, & Spiritus Domini, ventum & ventum magnum in dicari cenſent, ut Psal: 146. Flabit Spiritus ejus, & fluent aquæ; & ad dunt: Cum Hebræi magnitudine mihi alicujus rei ſignificare volunt, ad jiciunt hoc nomen Deus, ut Psal: 67. Mons Dei, mons pinguis. Vnde etiam Paraphraſtes Chaldæus loco ferebatur, habet flabat.

Alter locus, quando dicitur: *Fiat lux, Fiat firmamentum in medio aquarum*, minùs etiam ad rem propositam facit. Nam nec Trinitas hinc ulla personarum colligi potest, etiamsi tandem Filius Dei intel ligatur per vocem dicere: nec ipsa verba talem ſenſum admittere ulla ratione poſſunt, ut per verbum dicere, filius Dei intelligatur. Nam his verbis, *Deus dixit*, non persona, per quam Deus creārit, ſed modus, quo creavit, indicatur. Modus autem ille quis sit, jam pridem erudit expoſuere. *Dicere pro jubere, utuntur Hebræi*, ait Vatablus. Alii accipiunt dicere pro velle vel decernere, & ita vertunt, *Decrevit aut voluit Deus lucem fieri, & facta eſt*. Quod verò huic affertur ex Psal: 33. ejusdem eſt valoris. Nam & ibi, *verbum Domini, & Spiritus oris ejus*, non personas a Deo diſtinctas ſignificant, ſed ſolūm Dei decretum & pronunciatum, ut idem Vatablus pereleganter ſuper hunc locum ſcribit: *Verbum Dei*, ait, & *Spiritus oris ejus pro eadem re dixit*, q. d. *principiente Domino cœli facti ſunt*, & eodem jubente omnis ornatus eorum. Idem: *Figurate ſpiritu oris pro ipſa pronunciatione ſumit, ac ſe dictum eſſet*: *Simul ac halitum vocis ſue emiſit Deus, vel protulit verbo, quid vellet fieri, cœlos repente exitiſſe, & quidem incredibili stellarum copia & varietate extructos*. Imò etiam addit: *Alibi scripturam docere ēterno illo sermone mundum creatum eſſe*, ut ſcilicet hic de eo non agi ostendat. Idem ſuper v: ejusdem Psalmi 9. *Ipſe dixit, & facta ſunt, ipſe precipit, & extiterunt*, hæc pauca etiam ſcribit, q. d., *omnia ſolo ſuo nutu creavit*. Quòd denique huic verba Ioh: 1. *omnia per ipsum* (ſer monem) *facta ſunt*, afferuntur, id magnæ in rebus divinis traectan dis Schopperi negligentia, ut quām levifimè dicam, indicium eſt. Nec enim ubique, quando de Verbo ſermo eſt, de eodem verbo ſermo eſt. In loco Genes: & Psal: de Dei decreto & præcepto ſermonem eſſe jam docuimus: Iohannem verò de persona loqui, omnes conſitemur. In Genes: & Psal: de verbo ſermo eſt: Iohannes verò de ſermone loquitur. Differunt autem Verbum & ſermo, ut pars & to

Fr: Vatablus.
Spiritus de qua
Gen: 1. quid ſit.

De loco 2. ex
cap: 1. Gen.

Quid ſit dicere
Gen: 1.

De loco Psal: 33.

Quomodo diſſe-
rant loci Gen: 1.
& Ioh: 1.

tum. Vnde eruditissimi interpretes vocem Verbi, in Iohannis Evangelio planè repudiārunt, & Sermonis substituerunt. Adde, quod, in Gen: & Psal: de creatione sermonem esse, nemo neget: At apud Iohannem de creatione sermonem esse, jure negari potest. Est enim in Græco vox ἔγένετο, facta sunt. Fieri autem possunt alia etiam, quæ non creantur: qualia sunt ea omnia, quæ ad Evangelium tum annunciatum tum confirmandum pertinent, de quibusibi sermonem esse alibia nostris disputatum est, & nuper etiam a me demonstratum, in responsione ad libellum M. Smiglicii Iesuitæ, cui titulum fecit, *Verbum caro factum est.*

De loco 3. ex
cap: 1. Gen.

Cur plurali nu-
mero Deus lo-
quatur.

Exempla similia.

Ioh. 3. 11.

V 12.

Tertius locus est thesi 20. *Faciamus hominem ad imaginem nostram.* Hinc verò primùm, si pluralis numerus vim suam obtinet usitatam, tantum pluralitas personarum, non verò earum Trinitas elicetur, ut ante à monuimus. Deinde nec pluralitas inde elicetur, cum certum sit numerum plurali pro singulari sèpissimè usurpari, tum apud sacros tum apud prophanos autores, non solum in Hebraica, sed etiam in Græca & Latina lingua. Denique si suus orationi divinæ ornatus sartus manere debet, quâ scilicet se Deus ad aliquid faciendum cohortans introducitur, aliter Deus loqui non potuit. Nam si dixisset *Faciam*, in singulari numero, jam id futuri temporis fuisse, & decretum loquentis simpliciter significasset, nullam verò sui ipsius ad id faciendum cohortationem continuitset. Quæ suimet ipsius cohortatio rectissimè per numerum pluralement exprimitur, per singularem verò minime. Quod verò ait Schopp: thesi 21. *Deum illa civili gloriola non uti*, quia per hanc gloriolam, usurpationem numeri pluralis pro singulari intelligit, mirum id videri debet. Nec enim civilis illa gloriola est, sed elegans quid & decorum censendum est, ut qui imperant & dominantur, de scipis loquentes pluralement numerum pro singulari usurpent. ut 1. Reg: 12. 9. & 2. Par: 10. 9. ubi Roboamus Rex dicit juvenib⁹, qui secum educati fuerant, quique ei ministrabant: *Quid consulitis vos, ut respondeamus populo isti, &c.* & 1. Reg: 22. 3. Achabus cum servis suis verba faciens ait: *Scitisne, quod nostra sit Ramoth Gilead?* Nos autem ceſamus tollere illam de manu Regis Syriæ. Christus etiam ait: *Amen amen dico tibi, quia quod scimus loquimur, & quod vidimus testamur, & testimonium nostrum nemo accipit,* & tamen ipsum de se solo loqui, tum ipsares aperte docet. nemo enim erat, quem sibi socium ea in re, de qua cum Nicodemo loquebatur, facere posset; tum sequentia verba declarant. inquit enim: *Si terrena dixi vobis & non creditis, quomodo si dixerō cœlestia, credetis?* Et nemo ascendit in cœlum, nisi qui descendit de cœlo, &c. & infra de eo ait Baptista,

sta, Qui de celo venit, super omnes est, & quod vidit & audivit, hoc testatur, & testimonium ejus nemo accipit. Idem Christus Mar: 4.30. Cui assimilabimus, inquit, regnum Dei, aut cui parabolæ comparabimus illud? Cùm tamen de se uno loquatur, ut patet ex Luc: cap: 13.18. qui ita habet: *Cui simile est regnum Dei, & cui assimilabo illud?* Et hinc est quodd̄ testantur sacræ literæ, Christum docuisse tanquam autoritatem habentem. Sed quid opus est verbis multis, cùm apud ipsos Græcos & Latinos frequentissimum sit, ut privati homines, cum de seipsis loquantur, plurali numero pro singulari utantur, ut infinita exempla unumquemque docere possunt. Non est autem necesse, ut semper id factum sit, quod interdum factum legimus. Quare etiamsi in proclamatione Legis Deus id non fecerit, ut ait Schopp:, hinc nullo modo sequitur, eum alibi id non fecisse.

v 21,32.

Matth: 7.29.

Delirium Iudaicum appellat Schopp: thesi 22., si dicatur, Deum, dum dixit, *Faciamus hominem, &c.* allocutum esse angelos. Sed nos nihil haftenus videmus ab adversariis allatum, quo absurditas aliqua hujus opinionis doceri possit. Nam quodd̄ ait 1. Schopp:, *Angelos non adiuvisse Deū in faciendo homine, cum id opus solius Dei omnipotentis sit,* non animadvertis primū, dici posse, Deum allocutum esse angelos, etiamsi nihil prorsus eum adjuturi essent, ut scilicet coram illis gem illam tanquam singularissimam exponeret, quæ diversum aliiquid a creatione reliquarum rerum futura esset. Nam ad alia a Deo creata non legimus talem locutionem adhibitam fuisse. Deinde non perpendit etiam, quantumvis solus Deus hominem creārit, potuisse tamen aliquam angelorum operam accedere ad istam creationem. Nam antequam homo verè homo esset, formatum primū e terræ pulvere eum legimus, & deinde inspiratum seu insufflatum fuisse in faciem, seu potius in nares ejus, spiraculum vitae, id est, spiritum vitalem. Hæc autem licet a Deo facta sint, ministerio tamen angelorum fieri potuisse & proinde facta esse, nihil prorsus prohibet. Denique si vox creare, ut nonnulli non injuria existimant, idem significat, quod materiei novam formam indere, idque non solo jussu, necessariò & perpetuò, magis adhuc apparebit, nihil absurdum esse, si ministerio angelorum Deus usus fuisse dicatur in creatione hominis. Quemadmodum etiam legimus Deum operā angelorum in Christi resurrectione usum esse. Angelus enim descendit & lapidem a monumento revolvit, cùm tamen ea actio solius Dei sit, unde etiam ita describitur, Is qui Iesum ex mortuis resuscitavit. Et Christus Iesus eorundem angelorum operā usurpus esse legitur, in ultimo judicio, ad congregandos fideles ex quatuor ventis, quantumvis illi soli judicium tribua-

Quomodo diei
possit, Deum ope-
rā Angelorum in
creatione usum
esse.
Gen. 2. 7.

Matth. 25.2.

Rom. 4.24.
& 8.11.

Matth. 84.31.

Quomodo dici possit, hominem creatum ad imaginem angelorum.

Gen. 1. 26.

Col. 1. 16.

De loco Gen. 3.

Deus Angelos al-
locutus est.

Deus & Angeli
pro eodem acci-
piuntur interdū,

Lectio diversa
loci.

De loco Gen. 11.

tribuatur. Alterum quod assert Schopp: *Hominem non esse conditum ad imaginem angelorum, sed solius Dei*, falsum prorsus censendum est. Nusquam enim legitur, nos ad *soli*us Dei imaginem creatos esse. Facile autem fieri potuit, ut is, qui ad imaginem Dei creatus fuit, creatus etiam esset ad imaginem angelorum. Cum enim *imago* Dei consistat vel in ratione vel imperio, vel utroque simul, quid convenientius est, quam hominem creatum esse dici ad imaginum angelorum? Cùm & ipsi non minus ratione & mente prædicti sint, & imperium habeant, ob quod etiam throni, dominationes & principatus appellantur. Hæc diximus, non ut Iudeorum sententiam prorsus approbremus, sed ut infirmitatem argumentorum corum, qui eam improbant, ostenderemus.

Quartus locus, de quo thesi 23. est Gen. 3. *Ecce Adam factus quasi unus ex nobis*, &c. Hinc verò pluralitatem personarum nullam colligi, hinc appareat, quod Deus respectu angelorum, qui tunc præsentes aderant, ita loqui potuit. Mox enim additur: *Nunc ergo, ne forte mittat manum suam, & sumat etiam de ligno vita, & comedat, & vivat in æternum*, &c. Hæc verò verba ad angelos, quorum ministerio ad periculum illud cavendum Deus usurpus erat, facta fuisse, admodum verisimile est. Vnde Franciscus Vatablus post vocem, *Nunc ergo, ait subaudiri posse, Vos angeli videte sive cave te ne mittat*, &c. Ministerio autem angelorum Deum ea in re usum fuisse, declarat sequens narratio: *Et emisit eum Iehovæ Deus de horto Heden ad colendum terram, de qua sumitus fuerat. Ejecitque Adam, & collocavit a plaga orientali horti Heden Cherubim, & laminam gladii versatilis ad custodiendam viam ligni vite.* Et sensus erit: Ecce Adam factus est, sicut unus ex nobis, nempe cælitibus, & qui ab iis, qui terram incolunt, longè disjuncti sumus. Præterea etiamsi Deus respectu sui solius id dixisset, tamen angelii non exciperentur. Ii enim nomine Dei vel Iehovæ intelliguntur, ut Psal: 115. 16. *Cæli, cæli, inquam, Iehovæ, terram autem dedit filiis hominum.* Vbi nemo non videt, Iehovæ nomine ipsos etiam angelos, ut famulitium Dei, contineri. Denique vocem, quæ conversa est, ex nobis, converti posse, ex ipso, vel ex seipso, lingua Hebraicæ non impetrati norunt, ut sensus sit, isque peregregius: *Ecce Adam factus est tanquam unus ex illis, qui ex seipsis, hoc est, nullo præmonstratore egentes, per seipso bonum & malum cognoscunt.* Quo sensu admisso, quid ad pluralitatem personarū locuſ hic proficiat, viderit ipse Schopperus.

Quintus locus, Gen. 11. *Descendamus & confundamus*, cum tertio conjungendus erat. Ejuſdem enim uterque roboris. Addam autem hī illud, quod Deus isto modo locutus fuisse peregregie dici possit, quatenus

quatenus verba ipsius, *Venite descendamus & confundamus*, verbis hominum, urbem & turrim construere volentium, per mimesin quādam opponuntur, quae sī habent: *Venite faciamus lateres, &c. & iterum, Venite faciamus nobis civitatem & turrim.*

Cur Deus dixerit, Descendamus &c.

Sextus locus est Eze: 6.8. *Quem mittam, & quis ibit nobis?* Sed & ad hunc jam responsum est per ea, quae suprà ad tertium locum dicta sunt. Ibi enim non tantum docuimus, numerum pluralem pro singulari usurpari, verum etiam in eadem oratione, modò plurali numero, modò singulari Christum usum fuisse Ioh: 3. Cui nunc addo illud Pauli Rom: 1.5. qui semel de seipso ait: *per quem accepimus gratiam & apostolatum, &c. & deinde v. 8. ait: Gratias ago Deo meo.* Et hujusmodi mutationes numeri in aliis etiam autoribus tum Græcum Latinis occurrere experietur, qui hoc observare voluerit. Et idem etiam de loco Malach: 1. sentiendum prorsus est.

Septimus locus, de quo thesi 24. Gen: 19. *Pluit iehova super Sodomam & Gomorrah, sulphur & ignem a iehova,* pluralitatem etiam personarum docere non potest. Solent enim Hebrei s̄ penumero loco relativi antecedēte uti, ut 1. Reg: 8. 1. ubi si habet text⁹ Hebreicus: *Tunc congregavit Salomon seniores Israël, & omnes principes tribuum, principes patrum filiorum Israël, ad regem Salomonē, Ierusalem.* & cap: 10. 13. *Et rex Salomon dedit reginae Seba omnem voluntatem suā, quam petivit, præter ea,) quæ dedit ei manus regis Salomon.* 1. Cor: 1. 7, 8 *expectantes revelationem Domini nostri Iesu Christi, Qui & confirmabit vos usque in finem inculpatos in die Domini nostri Iesu Christi.* 1. Thes: 1. 9. *Conversi estis ad Deum ab idolis ad serviendum Deo vivo & vero.* 2. Tim: 1. 18. *Det illi (Onesiphoro) Dominus invenire misericordiam a Domino in die illa.*

Octavus locus de quo thesi 25. Ios: 2. *Non potestis servire iehovæ.* Nam Dii sancti (Elohim) ipse est Deus emulator, jam ex illis, quæ non semel ad alios locos explicando dicta sunt, intelligi potest.

Nonus locus, de quo thesi 26. Esa: 48. est: *Manus mea fundaritter ram, & dextera mea expandit cœlos, & mox subjungit: Veniam ad vos, & habitabo inter vos, & scietis, quod me miserit iehova & spiritus ejus.* Hinc jam non pluralitatem indefinite, sed trinitatem personarum divinitatis ostendere incipit Schopperus. Videamus quo successu. Diximus ab initio, nos non negare, Patrem Filium & Spiritum sanctum esse, & hanc Triadem appellari posse: Sed ad constituendum dogma Schopperi parum est, istorum trium extare mentionem. Necesse enim est, eos personas esse, easque divinas, & in divinitate pares. Necelle iterum est, illas tres personas esse unam essentiam. Nam hæc ad

De loco Eze: 6.

Mutatio numeri in eadem oratione.

De loco Gen: 19.

Hebrei loco relativi antecedens ponunt.

De loco Ios: 2.

De loco Eze: 48.

Quo sensu Trias concedi possit.

Quid ad Trinitatem Schopperi requiratur.

Cur ex loco Esa:
Trinitas Schoppt
probari nequeat.

Rebus actiones
personæ propriis
impropriè tribui
possunt.

Act: 20. 32.
Eph: 6. 10.
Phil: 2. 10.

Quis sit missus
apud Esaiam.

Lectio loci di-
versa:

De loco Gen: 18.

Trinitatem Schopperi constituendam necessariò requiruntur. Hoc autem ex eo, quod simpliciter nominantur, nullo modo colligi posse, ipse, ut puto, Schopperus confitebitur. Itaque, quantumvis in hoc Esa: testimonio, Dei, filii & Spiritus sancti mentio fieret, nihil tamen id ad stabiliendam sententiam adversariorum faceret. Si dicat adversarius, mentionem fieri mittentis & missi & Spiritus, respondeo, Missum, quatenus missus est, nunquam esse parem mittenti, sed semper minorem illo: At in Trinitatis dogmate nihil prius est, nihil posterius, sed omnes personæ pares. Si dicat, Spiritum sanctum mittere, & proinde personam esse. Dico, multa figuratè de rebus dici, quæ personæ non sunt, quæ propriè personis cōpetunt, & tunc multò magis, quando cum personis conjunguntur. Tunc enim nemo non videt, personis propriè, rebus impropriè actionem illam competere posse. Hoc modo Paulus commendat Ephesiōseniores Deo & sermoni gratie illius; & eosdem Ephesiōhortatur, ut confortentur in Domino, & in potentia virtutis illius: De se autem ait, quod omnia contemserit, ut cognoscat Christum & vim resurrectionis ejus. Vbi nemo non videt, id, quod propriè Deo & Christo tanquam personis competit, impropriè dici de sermone gratiæ, de potentia virtutis, & resurrectione Domini & Christi. Quanquam præterea duo notanda sunt. Alterum est, quod is, de quo tanquam de missō sermo est, non sit Christus, sed propheta. Is enim mixtini cum Deo loquens eo in loco introducitur. v: 12, 13. Deus loquitur: v: 14. propheta. v: 15. Deus iterum. v: 16. propheta. Quod etiam Fr: Vatablus in hunc modum annotavit: Propheta docet v: 16. se a Deo missum, vult sibi fidem dari. Cujus sententiacetiam fuit Zwinglius. Epistropha est, ait, ad seipsum. Vult enim Propheta ostendere, se idcirco esse missum, ut haec exponeret, quæ antecederunt & sequuntur. Idem etiam vidit Calvinus, Gualterus, Tremellius & Iunius, & Bullingerus. Alterum est, quod verba Hebreæ converti possunt, Misit me Dominus & spiritum suum, quam lectionem secutus est Castellio. Vnde constat, quād valida sit opinio, quæ tam ancipiti oratione nititur, & tam variè a variis intelligitur.

Decimus locus, de quo thesi 27., est Genes: 18., in quo manifestissimam SS. Trinitatis patefactionem contineri ait Schopperus. Is autem est, quod primum scribitur, Iehovam apparuisse Abrahamo, & mox subjungitur, tres viros ei apparuisse: & quod hostres viros in suo colloquio alloquitur singulari numero. Sed quanta sit futilitas hujus conjecturæ, dici vix potest. Nonne enim alia causa dari potest, quare dictum sit semel, Iehovam apparuisse, & deinde tres viros, præter eam, quod tres illi viri Iehovæ personam sustinerent? Nempe quia is, qui

qui personam Iehovæ gerebat , duobus aliis comitatus apparuerit , & aliis duobus antecelluerit ? Nonne ideo etiam dici potest , Abrahamum singulari numero illum unum , qui aliis præcellebat , allocutum fuisse ? Id autem ita se habere , inde aperte constare videtur , quod , discedentibus duobus ex illis , & uno remanente , is , qui remanet , Iehovæ nomine appellatur , cum quo Abrahamus , tanquam cum Iehova loquitur , & salutem Lothi longo verborum circuitu tacite procurat . Quamvis enim dicatur in historia , viros illos abiisse Sodomam , non omnes tamen , sed duos tantummodo abiisse , demonstrat initium cap : 19 . ubi scriptum est : Veneruntque duo Angeli Sodomam . Vnde , quando cap : 18 . dicitur ; & converterunt se viri illi , & abierunt Sodomam , Abraham vero adhuc stabat coram Iehova , quis est , qui non videat , discrimen manifestum inter eum , qui remansit , & eos , qui abierunt , in Iehovæ persona sustinenda , cum hi Angeli , ille vero Iehova nominetur , ut ex versu quoque 27 . cap : seq : apparet , & manifestè hac ratione ab illis distinguitur ? Porro etiamsi concedatur , omnes æquè personam Iehovæ sustinuisse , & quemvis eorum Iehovæ nomine appellari potuisse , quid hinc evincent adversarii ? cum certum sit , Abrahamum tres illos viros alloquentem , numero singulari uti potuisse , non ob occultum aliquod personarum divinitatis mysterium , sed quia sic , quamvis cum pluribus sit sermo , loquendi mos interdum est in Hebræa lingua , si plures illi simul sint , & unam quodammodo personam sustineant . Nam & Lothus ex iisdem tribus duos , numero singulari allocutus est , cap : 19 . 19 . Ecce nunc invenit servus tuus gratiam in oculis tuis , quod tamen ad Trinitatis mysterium , cum duo tantum essent , nec tertium cum illis antea fuisse sciret Lothus , referri nequaquam potest . Et 1 . Sam : 9 . 12 . puellæ illæ , Sauli & puerο eius interrogantibus , num eo in loco esset Videns , id est , Propheta , responderunt , Est , en ante te , nunc ergo festina , &c . Quod enim cum utroque loquerentur , manifestum faciunt sequentia verba : cumque ingressi fueritis civitatem , illico invenietis eum . Sed quid opus est diutiū immorari in diluendo hoc testimonio , cùm præstantissimi ex recentioribus Theologis , qui nobis aduersantur , infirmitatem argumenti inde deducti agnoverint , inter quos sunt Lutherus , Calvinus , Musculus , Borrihaus . Lutherus inter alia sic ait : Quod si non alia Trinitatis probatio esset , quam haec tres species , ego sanè eam non crederem . Schopp : vero dum manifestissimam Trinitatis patefactionem hanc esse ait , videat , quomodo ei cum Luthero conveniat . Calvinus autem verba ita habent : Quod autem Patres hinc Trinitatis & unitatis mysterium eliciunt , frivolum est , & sannis calumniasque obnoxium . Musculus autem sic scribit : Istæ

Cur tres appa-
erint Angeli A-
brahamo , & is no-
num tantum al-
locutus sit .

Loquendi modus
Hebraicus .

Testimonia The-
ologorum .

Lutheri .

Calvini .

Musculi .

tres personæ, quæ Abrahæ apparuerunt; sanctæ Triadis personæ non fuerunt, nec Abraham eos hoc loco habuit. Vtrumque ex ipsa historia est manifestum. Quod apparentes personas concernit, erant illi angeli, non S. Triadis personæ. Nam in fratre hoc cap: sic legimus: *Converterunt se inde viri, & abierunt Sodomam.* & in principio cap: sequ: *Venerunt, inquit, duo Angeli Sodomam.* Item, delebimus locum illum, eò quod creverit clamor eorum coram Domino, qui misit nos, ut perdamus illos. Item, cùm mane eßet, cogebant eum Angelii dicentes: *Surge tolle uxorem tuam.* Itaque cùm constet, eos fuisse Angelos a Domino missos, quomodo fuerunt tres sanctæ Triadis personæ? Ne dicat autem quisquam, alios apparuisse Abrahæ, & alios venisse Sodomam: Sodomam quidem venisse Angelos a Domino missos, Abrahæ vero appariuisse, Patrem, filium & spiritum sanctum, manifestum est ex contextu historiæ, eosdem ivisse Sodomam, quos habuerat Abraham in convivio. Sic enim legitur: *& surrexerunt viri inde, & verterunt se versus Sodomam, & Abram ibat cum eis deducens eos.* Ibid: v: 22. *& verterrunt se viri, & iverunt Sodomam,* Abraham vero adhuc stabat coram Domino. Ergo non alii, sed duo ex tribus istis viris, sicuti principium cap: sequ: memorat, venerunt Sodomam, & Angelierant a Domino ad perdendam Sodomam missi. Deinde Apostolus Heb: 13. quum ad hunc locum respiciens ait: *Hospitalitatis nolite oblivisci: per hanc enim nescii quidam Angelos hospitio receperunt,* satis indicat, Angelos fuisse ab Abraham & Lot hospitio acceptos. Quare invalidum est, quod ex hoc loco quidam, sive ad docendum hoc faciant, sive ad argendum, mysterium S. Triadis afferere volunt, &c. Quod autem nec Abraham in tribus hisce viris personas S. Triadis consideravit, ex eo satis patet, quod officia humanitatis talia illis obtulit, quæ nemo poterit Deo, nisi prorsus insanus, offerre ac destinare. *Afferam, inquit, pauxillum aquæ, & laventur pedes vestri, & requiescite sub arbore, ponamque buccellam panis, & confortetur cor vestrum: postea transibitis.* Hæc sanè non Deo sed hominibus convenient. Quales eos esse credebat, talia etiam obtulit officia. Cùm ergo tres istæ personæ, nec fuerint personæ Trinitatis, nec ab Abraham pro illis sint agnitiæ, quorum attinet eas mysterio S. Triadis accommodare. Hactenus Muscul.

De loco Psal: 33. qui est undecimus, de quo thesi 28., suprà dictum est, quod sufficit ad intelligendum, nihil ibi de tribus personis haberi, immo nec de filio nec de spiritu sancto sermonem esse, autoritate virorum minimè suspectorum comprobatum est, qui Verbum Dei & spiritum oris ejus, pro ipso Dei imperio & jussu accipienda esse rectissimè senserunt.

Duodecimus locus est, Psal: 67. ubi Deus ter appellatur, quod idem etiam Num: 6. fieri ait. Sed ad hos & alios similes locos, in quibus ter Dei fit mentio, nihil aliud respondendum putamus, quam quod hujusmodi frivolis conjecturis sanctissima Christi religio suspecta reddi possit omnibus ejus hostibus. *Quis enim non intelligit, repetita ista voce Dei, non personarum Trinitatem (nam vox Dei potius Deorum Trinitatem inferret, ut supra etiam docuimus in responsione ad primum locum) indicari, sed rei, de qua sermo est, nempe preicationis vel benedictionis perfectionem & incrementum. Quemadmodum etiam alibi, cum ter Deus sanctus appellatur, perfectio sanctitatis, vel ejusdem constans asseveratio & praedicatio innuitur. Item cum apud Hier: Deus dicit : Nolite confidere in verbis mendaciis, Templum Domini, templum Domini, templum Domini : & alibi apud eundem prophetam, O terra, terra, terra : & apud Ezechiem, cum de corona Regis Zedechie dicitur, Obliquam, obliquam, obliquam ponam eam. Vbi nemo non videt, istam repetitionem adhiberi tantum majoris & absolutae assertiois gratia, non verò ob triplicitatem rerum, quarum ibi fit mentio. Perfectionem autem quandam numero ternario contineri, inter alia exempla multa hæc pauca ostendere possunt. Christus ter Petrum interrogat, an se amet; & ter illi mandat, ut agnos vel oves pascat: Act: 10. 16. & 11. 10. ter Petro visio exhibetur variarum pecudum, quas mactare jubebatur: Paulus ter Christum rogavit, ut angelus Sathan discederet, & Christus ter Patrem rogavit, ut calix a se transiret.*

Decimus tertius locus affertur thesi 30. ex Mat: cap: 22. ubi, quia mentio fit Domini, qui dixerit, & Domini, ad quem dictum sit, & denique spiritus, in quo dictum sit, hinc Schopperus S. Trinitatem colligit. Ad hunc locum nos addemus etiam alios sequentes Matth: 3. 16, 17. & 28. 19. Ioh: 14. 16. & 15. 26. 2. Cor: 13. 1. Pet: 1. & 1. Ioh: 5. 7. in quibus confitemur, Patris, filii & spiritus sancti mentionem expressam fieri, & haec Trinitatem a veteribus appellatam esse non dubitamus: sed eam quam Schopp: cum suis intelligit, hic vel describi, vel ex his, quæ scripta sunt, colligi posse, pernegamus. In omnibus enim his testimonitis nihil dicitur, quod doceat, Christum vel Filium Dei, esse personam æquè proorsus divinam, ut Pater est: nihil etiam dicitur, unde constet, Spiritum sanctum personam simpliciter esse: hoc autem ad Trinitatem Schopperi stabilendam requiri necessariò, ipsummet fatebitur. Nam in primo, Filius ita differt a Patre, ut Pater filio dixerit: Sede a dextris meis, donec ponam inimicos tuos scabellum pedum tuorum. Qui verò ita est Dominus, ut ei summa potestas data sit,

De loco Psal: 67.

Quid numerus
ternarius rebus
additus in sacris
literis denotet.

Ez: 6. 5.

Ierem. 7. 4.

cap: 22. 29.

ca. 21. 27.

Iohan. 21. 15.

2 Cor. 12. 8.
Mat. 26. 39, 42, 44.

De loco Mat: 22.

Status contra-
versiae inter nos:
& Schopperum.Cur in locis ei-
tatis non conti-
netur Trinitas.

& alius ei inimicos subjiciat, is certè nullo modo idem Deus, qui Pater est. Huic enim a nemine dari quicquam potest, nec ei hostes illius subjicere necesse est. In spiritu vero aliiquid dici ab aliquo posse, quantumvis spiritus non sit persona ulla, nemo non videt. Tam enim potest virtus Dei, quæ est spiritus illius, aliquem ad aliiquid dicendum movere, quam gratia Dei in hominibus multa operari, ut Apostolus ait, quam tamen gratia Dei persona in Deo nulla est.

1. Cor: 15. 10.

De 2. loco Mat.
3.Ioh: 3. 36.
Gal: 6. 16.De 3. loco Mat.
23.Exod: 14. 31.
1. Keg: 13. 18.1. Cor: 10. 2.
Act: 19. 3.Ioh: 3. 18.
2. Ioh: 5. 10, 13.De 4. loco Ioh.
14.

In secundo loco Christum baptizari a Iohanne: & spiritum super eum descendere, & in eo requiescere audimus. Quomodo igitur persona æquè divina ut Patris persona, Christus censeri potest? cum non nisi homo baptizari; in Deum autem spiritum Dei descendere, & in eo manere, non nisi blasphemè dici possit. Spiritus vero sanctus, qui ita descendit, ut maneret super Christum, ut addit Ioh: cap: 1. 33. quomodo persona esse potest, cum de personis, quales sunt Deus & Christus, nusquam legatur, quod manent vel sint super aliquem, quemadmodum de rebus, nempe de ira Dei, de pace, & misericordia id legimus.

Intertio tribuitur quidem tam Filio & Spiritui sancto baptismus quam Patri: Sed ne hinc probatur, vel filium esse parentem personam personæ Patris, vel Spiritum sanctum esse personam. Solent enim diversæ personæ jungi, in rebus non minus divinis quam est baptismus, ut in fide & timore jungitur Moses & Samuel cum Deo: Solent etiam personæ rebus conjungi, & tam de his quam de illis ea dici, quæ longè divinissima sunt, ut supra in respons: ad 9. locum docuimus. Et si quis ipsum baptismum urgeat, notandum est, non tantum in Deum, sed etiam in alias personas, immo & res eum administrari posse. Baptizati enim fuere Patres in Mosen: & discipuli quidam in baptismum Iohannis. Vbi hoc etiam notandum est, voces *In nomen Patris & filii* tantundem valere, quod in Patrem & filium, sicut in nomen Filii credere, idem est, quod in Filium credere: ut scilicet hinc agnoscas, baptismum etiam dari in spiritum sanctum. Verba enim *in nomen*, propriæ Patri & Filio, impropriæ spiritui sancto tribuuntur possunt.

Quartus locus docet, Christum rogare Patrem: Christum mittere spiritum a Patre. Ergo Christus non est persona æquè divina, ut Pater. Pater enim neminem nec rogat, nec rogare potest; nec ab alio sed a seipso mittit spiritum sanctum: Spiritus vero sanctus, etiamsi, ut persona introducatur, dum ea illi tribuuntur, quæ personæ convenient, tamen propterea pro persona haberi non potest. Nam quæ illi tribuuntur personæ propria, ea per figuræ sacris literis usitatissimas, Metonymiam & Prosopopœiam excusari possunt: Interim vero ea de illo in se spiritu discuntur, quæ personæ competere nullo modo.

possunt, quale est, quod procedit a Patre. Nec enim persona a persona perpetuo potest procedere (ut vox Graeca, quae est presentis temporis, requirit) sed res a personis procedunt, ut est Mar:7.15. ubi idem est verbum. Deinde idem Spiritus sanctus datur, vel homines illo obsignantur: idque in illis ipsis locis dicitur, ex quibus aduersarii colligere solent, eum esse personam, (ut Luc:11. & nominatim Ephes:5. Ibi enim dicitur, *Ne contristate spiritum Dei sanctum.*) Hoc vero de persona dici posse, nemo sancte mentis affirmabit, praesertim si consideret, simul & semel plurimis illum dari, vel plurimos illo obsignari. Personam autem divinam non esse, locus Ioh.16. cum dicitur: *Nihil a seipso loquitur,* ita evidenter docet, ut nulli tergiversationi locuse esse videatur. Quis enim hoc de divina persona dici vel cogitari posse unquam suspicatus est? At de re, dici illud figurate, rectissime potuit. Non est autem silentio praetereundum, quam miserere se gerat in probanda sua Trinitate Schopperus ex initio Marci thesi 33. *Hoc est Evangelium Iesu Christi, Filii Dei.* Ait enim, quia Patris & Filii fit mentio, & Evangelium Marcus scripsiterit instinctu Spiritus sancti, sic innui totam Trinitatem. Sed primum Spiritus sancti nulla ibi fit mentio: & si ex eo personas Trinitatis colligere licet, quod instinctu spiritus aliquid scriptum sit, cur potius initium Evangelii Marci allatum est, quam aliae infinitae sacrarum literarum partes, quae omnes spiritus S. instinctu scriptae sunt? Illud verò prorsus insulsum est, quod ex initio Evangelii D. Iohannis Trinitatem probari existimet thesi 35. *Quia scilicet Dei & verbi mentio fit,* & quod filii Dei non ex carne & sanguine, sed ex spiritu S. nascantur. Nulla enim Spiritus S. apud Iohannem mentio est: immo loco Spiritus S. Dei nomen extat v.13. qui proculdubio idem ille est, de quo ab initio dictum fuerat.

Quintus item locus 2 Cor.13., de quo thes:35., Christum personam quem divinam esse ut Pater est, non evincit. cum gratiam ab eo etiam precari quis possit, qui non sit ipse Deus, dummodo divina potestate praeditus sit, ut ex c.1. Apoc. apparet, ubi a Iesu Christo, qui est testis fidelis, & primogenitus ex mortuis, gratiam & pacem precatur Iohannes. Testis autem fidelis & primogenitus ex mortuis, Deus ipse nullo modo esse potest: Communio vero spiritus S., quam ibidem Paulus precat, non est aliquid simile gratiae Christi & charitati Dei, quasi scilicet ita Spiritus S. aliquid communicare possit, ut gratiam & charitatem largiri possunt Christus & Deus: Sed passim accipi potest ista communicatione Spiritus S., ut sensus sit: precor, ut vobiscum communicetur Spiritus sanctus. Quo sensu alibi etiam phrasit haec, communio aliquius rei, accipitur.

Spiritus sanctus
in potissima si-
gnificatione ac-
ceptus non est
persona.

In epistola Schoppae
I.

II.

De s. Ioco 2. Cora
13.
A quo precari
quis possit grati-
am.

Quid sit commu-
nio spiritus S.

1. Cor. 10. 16.

Sextus

De 6. loco Rom:

1.

2 Tim. 6. 16.

2. Cor. 13. 4.

De loco 1. Pet. 1.

**Per rem etiam
sanctificationis fieri
potest.**

**De loco 7. 1. Ioh.
han. 5.**

Ioh. 5. 33, 37, 39.
**Quomodo unum
sint Pater Filius
& spiritus s.**

**Vanæ suspicione
adversariorum.**

**Summa ante di-
corum.**

Sextus locus Rom. 1. 2. aperte testatur, Eilium Dei factum esse secundum carnem ex semine Davidis, & constitutum Dei filiu per spiritum sanctificationis ex resurrectione mortuorum. Quomodo igitur persona æquè divina esse potest, ut Pater? cum Pater sit ab æterno, & constitui aliquid nullo modo possit, ut qui ipse sit a seipso, qualis est; nedum per resurrectionem mortuorum. Hæc enim presupponit mortem. Deus autem est, quis solus habet immortalitatem: Per spiritum verò sanctificationis Deū constituisse filium suū, non docet, spiritum esse personam. Nam & per virtutem Dei Christum revixisse legimus, quæ tamen persona nulla ratione dici potest. Idē etiam de loco 1 Pet. 1. sentiendum est. Tam enim Christi Apostolus esse potuit Petrus, quā Patris, etiamsi Christus non esset persona æquè divina, ut pater est. Cū ad constituendum Apostolum satis sit potentia divina, quā Christum a Deo donatum esse abundè testantur sacræ literæ. Per sanctificationē verò Spiritus electos fuisse fideles dici potest, etiamsi Spiritus persona nulla sit, cum non tantum per personas sed etiam per res sanctificari possint homines, Ioh. 17. 17. *Sanctifica eos in veritate tua.* Quanquam valde dubium est, an Petrus de Spiritu isto Dei sancto loquatur, & non potius metonymicè intelligat sanctificationem, quæ in Evangelio continetur, quæ opponitur sanctificationi carnis vel legis.

Septimus locus 1. Iohan: 5. 7. itidem non docet, Sermonem esse personam æquè divinam, ut Pater est; vel spiritum esse personam. cum nihil vetet, quominus persona impares testentur de eadem re, ut testabatur de Christo, Deus Pater, & Iohannes Baptista; & unā cum personis res, ut unā cum Deo testabantur scripturæ de Christo. Vnum autem esse tres quid impedit, nempe testimonii consensu, etiamsi non sint unius essentia? quemadmodum ibidem additur: spiritum, aquam & sanguinem, hos tres esse unum. Locum hunc ab Arianis expunctum fuisse aliquando, mera conjectura est. Assutum autem a scolio quodam fuisse, & ipse rerum contextus, & autoritas plurimorum exemplarium cum Græcorum cum Latinorum, quæ planè cum omitunt, ut etiam Lutheri & Tigurinorum versio, satis superq; docet. Atque sic hactenus vidimus, quomodo se gesserit Schopp: in afferenda sua Trinitate. Locos non paucos attulit, ex quibus credebat, pluralitatem personarum probari, qui tamen nullam planè continent: Alios etiam attulit, in quibus quidem Dei vel Patris filii & spiritus vel spiritus sancti mentio fit, sed nec filium personam æquè divinam esse ut Pater est, nec spiritum sanctum personam esse, ulla ratione demonstravit. Agnoscat igitur lector benevolus, quānā sint fundamenta hujus de Trinitate, qualem fingunt adversarii, opinacionis: eam scilicet nec

cet nec in sacris literis extare expressè descriptam. unde constat, non esse etiam ad salutem necessariam; nec ex sacris literis justâ consequentiâ deduci posse. unde constat, eam nec ad salutem utile messe. Quod verò ad salutem, non tantum utile, sed absolute necessarium est, hoc est, quod sit Pater, Filius & Spiritus S., quod nos baptizari oporteat in nomen Patris Filii & spiritus sancti, & quod Pater & Christus orandi sint, ut spiritum sanctum nobiscum communicent. Quod nostræ Ecclesiæ constantissimè credunt, & in eo iudicis rectius cognoscendo quotidie se se exercent.

Porrò Schopperus ad modos, quibus una eademque divinitas est in Patre Filio & spiritu sancto, explicando se parat, Patrem scilicet eam habere ἄγενήτως, Filium γεννητῶς, Spiritum S. ἐκπορευτῶς. Sed quia nondum demonstratum est, unam esse horum trium divinitatem, quomodo de modis habendi eam differi rectè potest? Quanquam ea, quæ hīc a Schoppero dicuntur, ad erroris eum convincendum & veritatem in lucem producendam aptissima sunt. Nam quia filius a Patre genitus est, hinc sequitur firmissimè, cum non habere divinam naturam vel essentiam. Natura enim vel essentia Dei numero una est, & ut sit, neesse prorsus est. Quod verò naturā unum est, cum altero communicari sana vetat ratio. Contradictoria enim sunt, unum esse, & cum altero communicari. Legimus quidem ea verba Psal: 2. *Filius meus es tu, ego hodie genui te:* Sed verba illa non de propria generatione intelligenda esse, docet primum illud, quod modò dicebamus de unitate numerica essentiae divinæ. Docet iterum, quod primo respectu de Davide verba illa sint intelligenda. Hic autem nec propriè nec ab æterno a Deo gigni potuit. Docet porrò autoritas Apostolica. Legimus enim semel, tunc impleta fuisse verba hæc Psalmi, quando Deus Christum ex mortuis resuscitavit, & iterum tunc, quando Deus Christum glorificavit, ut fieret summus Pontifex. Docet deniq; autoritas multorum minimè suspectorum virorum Theologorum, inter quos sunt Antonius Flaminius, qui etiam affirmat, se sequi Chrysostomum, & Theodoretum Antiochenum, atque Hilarium Pictavorum Pontificem, quos sensisse ait, Paulum etiam in ea fuisse sententia. Nicolaus Henningius, Franciscus Vatablus, qui rotundè ait: *Hodie genui te: Diem resurrectionis hunc diem interpretatur* Paulus Act: 13. & Heb: 1. & 5. q. d. *ego suscitavi te,* & ita genui in vitam æternam. Cùm Christus ostenditur Dei Filius, Rex esse probatur. Iacobus Iansonius Amstelodamensis S. Theolog: Lovani Professor. F. Adamus Sasbout Minorita, Claudio Guilliandus Bellijorensis super Epistolam ad Hebrei cap: 1., Wolfgang Musculus, Ioh: Calvinus, qui

Dogma Trinitatis
Schopperi nec ad
salutem necessa-
rium nec utile.

Quid ad salutem
sit necessarium in
hoc dogmate.

Discursus Schop-
periyanus, &
eidem contra-
rius.

Rationes cur
verba Psal: 2. nō
de propria gene-
ratione intelli-
genda.

Act: 13. 33.
Hebr: 5.5.

inter alia sic alt: *Scio locum hunc de æterna Christi generatio[n]e à multis fuisse expositum, qui & in adverbio Hodie argutè philosophati sunt, ac si perpetuum actum extra tempus notaret. Sed hujus raticinii fidelior ac magis idoneus interpres est Paulus, qui Act: 13. 33. ad illam, quam dixi, cælestis Christi gloria demonstrationem nos revocat.* Idque Paræus approbat lib: 2. opposito Pseudocalvino Iudaizanti cap: 28.

Processus etiam, qui tribuitur Spiritui sancto, quod persona non conveniat, suprà ostensum est. Non enim naturaliter & perpetuo, ut vox procedit arguit, persona a persona procedit, sed res tantum isto modo procedere possunt.

Ex Symbolo & Apostolico Trinitatis Schopperi non ostenditur.

S. Cor' 2. 6.

Sed habet adhuc aliud argumentum Trinitatis Schopp: thesi 42. Symbolum scilicet Apostolicum, ubi dicimus, *Credo in Deum.* addit autem, Schop: *in unum Deum,* sicuti Symbolum Nicenum habet. & deinceps subjungi ait personas, Patrem, Filium & Spiritum S. Sed Symbolum Apostolicum non habet vocem *unum.* Corrigere autem Apostolicum symbolum ex Niceno præposterum omnino est. Symbolum porrò Apostolicum affirmat unam cum sacris literis, Deum, esse illum Patrem omnipotentem creatorum cœli & terræ. Nam præter Patrem nullus est aliud Deus, nempe qui naturâ talis sit. hic verò καὶ οὐχὶ Deus in sacris literis appellatur. Quanquam nec Nicenum symbolum eo respectu unum Deum nominasse credibile est, quod sine plures ejus personæ in una essentia: sed unum Deum esse ait, Patrem, per appositionem. Et certè futilē esse istam conjecturam de tribus personis ex symbolo sumtā hinc constat, quod, si iste sensus esset Symboli, non opus fuisset postea repetere, *Et in Iesum Christum,* sed sine præpositione *In,* vel potius etiam sine conjunctione *Et,* simpliciter *Iesum Christum* dictum fuisset. Cùm enim præpositio *In,* non fuerit ipsi voci *Patrem,* antea præposita, nulla ratione potuit ea anteponi nomini, *Iesum Christum,* si vox Patris distinctè a voce *Deum* accipienda est. Hoc enim pacto non repetitur, nec repeti potest ante vocem *Patrem* tacitè verbum *Credo,* sed necesse est, ut vox *Patrem* per appositionem enuncietur. Itaq; similiter ante nomen *Iesum Christum* verbum *Credo* tacitè repeti nequit, sed necesse est, ut id nomen per appositionem efferatur, & consequenter nulla ratione ei præpositio *In* potest anteponi. Deinde cùm ad spiritum sanctum ventum est, ineptissimè repetitur verbum *Credo,* si spiritus sanctus ibi ad Dei nomen ab initio positum explicandum pertinet, quantumvis longo intervallo ab eo distet. Nihil nunc dico, quod vel nullo modo admitti possit, in Symbolo dictum fuisse, *Credo in Spiritum sanctum,* sed tantum, *Credo Spiritum sanctum;* vel si tamen ita dictum fuisse censendum sis

Dum sit, non alio sensu id dictum esse, quam quo dicitur, Credo in unam sanctam Ecclesiam, vel carnis resurrectionem, vel, ut sacramentum literarum autoritate utamur, quo Iohannes dicit, credi in testimonium Dei, vel quo Christus jubet credere in Evangelio. Præterea cum Iesus Christus in symbolo Dominus noster appelletur, parvum est constat, cum non fuisse comprehensum in voce Dei supra posita? Quid enim attinet eum Dominum nostrum appellare, quem ipsum Deum esse, ibidem dicitur? Denique quid usitatus est in sacris literis, quam Christum a Patre distingui, idque in ipsa etiam fide, ut Christus ait: Creditis in Deum, & in me credite, ut ita nihil opus fuerit ista puerilia comminisci de tali symboli sensu.

Ait deinceps thesi 43., huic doctrinæ de Trinitate initio se opponuisse Ebionem & Cerinthum, contra quos etiam Apostolus Evangelium suum conscripsit, & testem adducit Eusebium. Sed hæc fabula est multiplex. Primum enim tacite principium petit Schop., quasi scilicet ab initio Evangelii doctrina de S. Trinitate talis, qualem ille finit, extiterit, quo nihil falsius dici potest. Quomodo vero doctrinæ talis, quæ nondum extitit, opponere se aliquis potuit? Extabat quidem doctrina de Patre Filio & Spiritu sancto, quæ doctrina de S. Trinitate appellari potest, & aduersus hanc vel partem illius, quæ est de filio Dei, aliquid contrarium attulisse Ebionem & Cerinthum dici potest. Cerinus enim negavit, Iesum ex virginem natum, sed Iosephi filium esse contendit; Christum impassibilem fuisse, & in fine a Iesu revolasse, Iesum autem passum fuisse & resurrexisse, Ebionitæ etiam idem de Christo senserunt, eum ex Iosepho & Maria natum, & nudum hominem dixerunt; Legis Ceremonias Evangelio miscuerunt, solo Matthæi Evangelio usi sunt; Paulum tanquam Apostatam legis rejicientes, circumcidabantur, Iudaico charactere vita utabantur, & Hierosolyma adorabant, quæ domus Dei sit. Hæc omnia vero & singula, quomodo non convenienter cū Evangelio Iesu Christi, & doctrina de ipso Christo tradita, omnes hodie, Deo sit laus, intelligimus. D. Iohannem porrò Evangelium suum istis hominibus opposuisse, nonne humanum figmentum censendum est? Nam si istis erroribus suum opponere voulisset Evangelium, cur istos errores non refutasset, vel saltem contrarium illis in Evangelio non dixisset, de conceptione Christi ex Spiritu S., & nativitate ex virginine, & alia? Nonne vero ipse Iohannes scriptum descriptionis suæ alium prorsus ostendit, dum ait: Hæc scripta sunt, ut credatis, quod Iesus est Christus filius Dei, & ut credentes habeatis vitam in nomine ipsius. Denique Eusebii autoritatem hic adduci, valde mirum videri debet. Is enim loco citato, nec Ebionis aut Cerinthi, nec scripti

Quomodo inspi-
ritum sanctum
credi possit.
1. Ioh: 4. 10.
Mar: 1. 15.

Ioh: 14. 1.

Errores Bishop-
peri,

Cerinthi opinio.

Iren: 1. 1. c: 25.
24, 25.

Ebionitarum o-
pinio.
Euseb: 1. 3.c: 24.
& 6. 16.

Iohann: 20. 31.

Quid de Ario
sentientium.

adversus illos a Iohanne Apostolo Evangelii vel minimam facit mentionem. Inspiciat, qui velit, locum, & quæ fides Schop. habenda sit, ipsenit judicet. Ejusdem etiam momenti & fidei est, quod de Arrio deinceps narrat Schopperus. Nec enim Arius Trinitatis, qualem fingit Schopp. dogma unquam impugnavit, cum nondum tunc temporis extaret, sed cudi demum inciperet. Impugnavit autem partem doctrinæ de vera Trinitate, ut sic loquar, quatenus Christum antea extitisse credidit, quam ex virgine nascetur: & simul adversus eos, qui jam dogma Trinitatis, quale sectatur Schopp. moliebantur, reliquias veritatis jam pridem oppressæ, defendit. Tunc enim mysterium iniquitatis, quod tempore Apostolorum cœperat, effectum suum sortitum esse jure dici potest, cum ad spiritualem superbiam mundana accessit potentia. Reliquias dico veritatis defendisse Arium, quatenus contendit, Christum non esse ἄμορτον patri. Interim ipse graviter erravit, dum passus est se eō adigi, ut confiteretur, Christum antea extitisse, quam nascetur. Quem errorem alius deinde consecutus fuit, ut aliqui eorū, qui Arii partes sequerentur, Christum verum hominem & adorandum esse prorsus negarent, quo post silentior circa Christi personam error nullus esse potest. Iam quid Imperator Constantinus fecerit, & quomodo Nicena Synodus coacta fuerit, non opus est hīc examinare. Hoc tamen unum addere non erit de nihilo, quod fatentur etiam pleriq; Pontifici, Arium non sacris literis, sed autoritate Ecclesiae in Synodo illa fuisse condemnatum. Hinc enim conjicere licet, quanta sit veritatis etiam corruptæ vis & quantum robur adversus errores.

Narrat deinceps Schopp., qui modus fuerit argumentandi penes Arianos, nempe eos multa argumenta ex ratione humana & abuso Philosophiae desumisse, et ad id respondeat in hunc modum thesi 47: *Verum argumenta rationis humanae & Philosophiae contra verbum Dei non valent. Rebet enim Paulus dicit: Animalis homo non percipit ea, quæ sunt Spiritus Dei. Stultitia enim illi sunt (Schopp. habet, sed sunt ei stultitia) & Col. 2. dicit: Videte ne quis sit, qui vos deprædetur per Philosophiam &c. Sed incepta est tum responsio Schopperi, tum ejusdem probatio. Argumenta rationis humanae & Philosophiae, ait, non valere contra verbum Dei. Quasi scilicet unquam aliquis inter Christianos fuerit, vel ipse Arius, qui rationes humanas contra verbum Dei afferre cogitaverit. Contra verbum Dei allatae rationes nihil valere debent: sed non omnes rationes humanae & Philosophiae argumenta sunt contraversum Dei. Est enim ratio humana & Philosophia instar parva lucis respectu magnæ, & instar ancillæ respectu reginæ, ut ait i-*

pse Schopperus. Parva autem lux non est contraria luci magnæ, nec ancilla Reginæ. Primum & principaliter valere debet verbum Dei in religionis negotio: Postea vero argumenta ex sanâ ratione desumpta sperni nullo modo debere, plurima sacrarum literarum loca, quæ rationibus humanis nituntur, ostendunt. Et sane, qui rationem sanam post verbum Dei aspernantur in religione, ii religionem suspectam hoc ipso apud omnes cordatos reddunt. Loca vero Pauli quid quæsto
 huc faciunt? Paulus i. Cor: 2. loquitur de homine animali, qui nullam Christi & Evangelii ejus cognitionem habet; & de tali ait, quod non percipiat, nempe ex seipso, quatenus scilicet animalis est, ea quæ sunt spiritus Dei, hoc est, quæ pendent a divina revelatione, eaq; non omnia, (nam de iis, quæ hominem animalem non capere ait, dicit etiam, quod sint illi stultitia, non omnia autem, quæ pendent ex divina revelatione, stultitia sunt homini animali. nam & ipsa vita æterna, immo bona pars vitæ piæ non est stultitia tali homini) sed, tantum an & quid sit vita æterna, & potissimum, quæ sit via pervenienti ad illam. haec enim, quia carni est contraria, stultitia est homini animali: Nunc vero quæstio est, an homo, cui jam Christi Evangelium innotuit, & proinde animalis esse desiit, possit adhibere post verbum Dei argumenta ex ratione sana desumpta, ad percipiendum mysterium aliquod vel particulam Christianæ religionis? Illud quidem impossibile esse ipsa sana ratio dictat: hoc vero possibile esse, & ipsæ sacræ N.F. cōprobant literæ, quæ cum ratione omnia nos intelligere & facere præcipiunt: imd cultum nostrum Christianum, ad quem tum credenda tum facienda pertinent, λογικόν vel rationalem appellant, quatenus scilicet omnia cum ipsa sana ratione optimè convenient & ex ea dependent, eumque legi, quæ potissima ex parte δόγματος, hoc est, placitis Dei constabat, hac ratione opponunt. In altero loco, secundum quid etiam Paulus monet, ne patiamur nobis imponi a philosophia, quatenus nō vult, ut modum colendi Deum ex philosophia discamus. Iungit enim cum philosophia ipsam legem diuinam, & opponit philosophiæ & legi Christum, & in eo ait habitare omnem plenitudinem deitatis, quæ scilicet emicabat minima quadam ex parte tum in philosophia tum in lege. Vnde constat, que madmodum ex lege licet argumenta afferre ad Christi religionem confirmandam vel commendandam, sic etiam idem licere ex philosophia, tacite concedere Apostolum.

Porrò argumenta etiam Arianorum recenset Schopp: Quæ quia

De loco Pauli
i. Cor: 2.

Homo animalis
quid.

Ephes. 5. 17.

Rom: 12. 2.

Ephes. 2. 15.

De loco Col: 2.

Quatenus vita
da philosophiae

nos non approbamus omnia, vel in toto; nec ad eum modum omnia formamus, non est quod prolixam a nobis expectet benevolus lector responsem. Præstissem, Schopperum nostra argumenta, quibus Christum, Deum illum unum, qui Pater est, non esse, docemus, atruisse, quæ jam in non paucis libris, qui in manibus ferè sunt omnium, publicè extant, & ea refutare conatum fuisse, si dire etiam nobiscum disputationem incipere voluisset. Id quia facere neglexit, cogitet lector, quo sine factum sit. Ne quid tamen desideret studiosus veritatis, quomodo pleraque, quæ nos etiam adversus adversarios urgeamus, refutet, idque non suis sed aliorum Patrum verbis, breviter videamus. Argumentum 1. sit, ex illis, quæ prolixè tractantur thes: 49.

**Argumentum 1.
vetus.**

Christus crevit sapientiâ: & diem judicii ignoravit. Ergo non est unus ille Deus qui Pater est.

Ad hoc recenset Schopp: primùm thesi 50. putidam Athanasii orationem, in qua nihil præter convitia habetur, Quod si respondere est ad argumenta, proculdubio vicit Athanasius. Sed pudeat huius orationis Athanasianæ Schopperum, & si recte illum respondisse Athanasi credidit, nec se habere, quod respondeat, hoc ipso se prodere persuasum habeat. Deinde omissa priori argumenti parte, quæ tamen ita firma est, ut refutari nequeat, ad alteram affert Nazianzeni responsem thesi 50. quæ talis est. Quomodo rerum aliquid ignorat ipsa sapientia, ipse seculorum autor, consummator, transformator, rerum omnium finis? Denique is qui, quæ Dei sunt, ita cognoscit, ut quæ in ipso homine sunt, spiritus hominis novit? Et hac cognitione quid perfectius? Tum qui coheret, ut, quæ ad horam illam pertinent, quæque in ipso tempore extremo articulo consistunt, teneat exactè, ipsam verò horam non teneat. Addit etiam alteram Athanasii responsem tales: Christus discipulis suis curiosè sciscitantibus non expressit id, quod ipse tacitum cœlatumque esse volebat. Sicut & nos homines alicui secreta indaganti responderemus, nos nescire, scilicet non nobis sed huic indagatori nescientes.

**Responsio 1.
captiosa.**

2. falsa.

**Refutatio 1. re-
sponsionis.**

**Quatenus Chri-
stus est sapien-
tia.**

p. Cor: 1. 30.

**Quomodo per
Christum fa-
ciat secula.**

At ego contra hæc dico. 1. Christum nusquam appellari ipsam sapientiam nudè & absolute, sed sapientiam appellari certo respectu, quatenus sapientissimum Dei de salute humani generis consilium revelavit. Vnde etiam dicitur, cum factum esse a Deo nobis sapientiam. Potest autem aliquis hominibus a Deo fieri sapientia, nec tamen omnia cognita habere, quæ scibilia sunt. Cùm satis sit ad id, ut sit sapientia hominibus, quod, quæ ad salutem æternam pertinent, cognita habeat. Hac enim nobis potissimum opus est. 2. Christum esse seculorum autorem, consummatorem, transformatorem, captiosè dictum est. Nam primùm autor seculorum nusquam Christus appellatur: sed tantum

tantum dicitur, quod per eum Deus secula fecerit. Differunt autem, autorem esse seculorum, & per aliquem a Deo facta esse secula. Hoc enim causam secundam, illud primam significat. Deinde secula per Christum facta esse a Deo, non simpliciter de omnibus seculis verum est, & non sine crassa principii petitione affirmari potest. hoc est, nisi pro concessu sumatur, Christum antea extitisse, quam ex virgine nascetur, sed de futuris tantum seculis intelligendum est. Vnde etiam pater futuri seculi a Propheta appellatur. Deniq; per Christum Deus secula fecit, non simpliciter etiam. Secula enim futura propriè loquendo, per Christum fieri non potuerunt, ut pote quæ semper unâ cum Deo fuerunt. Sunt enim nihil aliud, quam ista beata immortalitas, quæ Deus nunquam caruit: Sed eatenus per Christum fecit ea Deus, quatenus hominibus ea per ipsum revelavit. Quo sensu etiam dicitur, gratia & Veritas per Christum facta. Gratia enim illa aliud nihil est, quam illa ipsa Immortalitas. Potuisse autem per Christum secula futura isto modi fieri, etiam si diem judicii ignoraverit, puto omnibus esse manifestum. Consummator etiam vel transformator seculorum Christus jure dici potest, quatenus potestas mundum hunc destruendi, & in futurum transferendi eos, qui in illum credunt, data illi est. Talis autem Christus tunc non sicut, cum dictum est, cum ignorasse diem judicii. 3. Christum esse rerum omnium finem, si res omnes universaliter accipientur, falsum etiam est: Si vero de omnibus rebus, quæ ad salvatorem spectant, intelligatur, notandum iterum est, Christum tunc, cum dixit, se ignorare diem judicii, nondum fuisse re ipsa rerum istarum omnium finem: nunc vero, postquam finis est omnium rerum, ut ante a diximus, concedi potest, eum cognitum habere tempus iudicii. 4. Ex eo porrò, quod Christus is sit, qui, quæ Dei sunt, ita cognoscat, ut, quæ in ipso homine sunt, Spiritus hominis novit, non colligientiam diei judicii, hinc constat, quod Paulus de omnibus Christianis dicit, eos operâ Spiritus S. ita nosse profunditates Dei, ut hominis spiritus novit, quæ sunt in homine absconditissima, & tamen Christus negat, ullum hominem diem illum judicii scire. 5. Exacta scientia eorum, quæ ad horam judicii pertinent, non evincit scientiam ipsius horae judicii. Interrogo enim, quænam sunt illa, quæ ad horam illam pertinentia Christus exactè scivit? Dices, ea quæ habentur in sacris literis descripta. At nonne & nos nūc a Christo edocti exactè scimus ea, quæ ad horam illam pertinent, & tamen horam ipsam nescimus?

Responsio vero Athanasii, quam sit in epita, docet primum, quod nulla ratione fulciatur, præter eā, quæ nimis trivialis est, & mendacii specie non caret. Nam dū homines secreta in dagantib; respondent, scilicet scire,

Heb: 1. 2.

Ez: 9. 6.

Ioh: 1. 17.

1. Cor: 2. 14.

Refutatio 2. responsonis.

scire, cùm tamen sciant, humanum aliquid faciunt, quod de Christo Iesu cogitare tantùm non est nefas. Deinde, quid opus fuisset addere, nec angelos nec filium scire illam judicii horam, sed solum Patrē, si Christus re ipsa illud scivit? Certè non solus Pater illud scit, quod etiam alius scit præter Patrem, quantumvis illud celatum velit. Præterea si filius ita nescit, quod tacitum esse celatumq; velit, sequetur, Angelos etiam diem judicii ita nescire, ut aliis id revelatum nolint. Nam & de illis dicitur, quòd cum ignorant, & sic scient angeli diem judicii. Quomodo igitur verum erit, solum patrem illum scire? Deniq; nullo modo Christus dicere potuit aut debuit, filium nescire diem judicii, si illum scivit secundum divinam naturam. Nam quæ vera sunt de una parte vel natura, eaq; potiori, ea non possunt negari de persona vel de toto. Quemadmodum nemo dicet se non intelligere, aut meditari, quia corpus eius non intelligat aut meditetur.

Argumentum 2.

Responsio.

Refutatio,

Argumentum secundum esto. Pater est major Christo: Filius a se nihil potest: Non est filii dare regnum, &c. Ergo Christus vel filius non est idem Deus qui Pater est. Respondet Schopp: thesi si. ex Athanasio, *Hæc non infirmare filium sed a Patre distinguere, & humilitatem ejus & incarnationem ostendere.* Et in symbolo suo Athanasium dicere: *Æqualis Patri secundum divinitatem, minor Patre secundum humanitatem.* Egregia sanè responsio. Quasi qui minorem se dicit Patre, & nihil a se ipso facit, & in cuius potestate non est dare aliquid, non ita distinguatur a Patre, ut simul infirmetur, hoc est, pro minore habeatur? Quasi humilitas Christi non doceat illud idem, quod objectatur. Nam in Deum nulla cadit humilitas. Incarnatio vero, quomodo ad argumentum refutandum afferri potuit, quæ ipsa controversum dogma est, & nullo sacrarum literarum vel testimonio vel ex eis deducta ratione ne probabiliter quidem demonstrari potest? Symbolum vero Athanasii num principium est Christianæ religionis? Num Apostolus Athanasius, homo seditiosus & mulierosus? de quo vide Sozomenum lib:5. cap:6. & miraberis. Sed præterea quæ hæc est ratio disputandi, sumere pro concessu, quod maximè est in controversia? Divinitas, qualem credit Schopp:, negatur a nobis, & tunc negabatur ab illis, adversus quos scribebat Athanasius. Quomodo igitur eæ controversiae dirimi possunt? Sed & admissa ista fictitia Christi divinitate, nullo modo concedendum est, Christum dicere potuisse de se simpliciter, quod non fuerit pars Patri, vel non omnia potuerit, si pars patri fuit & omnia potuit secundum naturam unam, eamque præstantem, ut modò dicebamus. Nam quod verum est de parte hominis altera, de homine ipso nunquam simpliciter negari potest.

Locum

Locum Proverb: 8. nos isto modo non citamus , quo Arianos e-
uni citasse ait Schopperus. itaque non est, quod Arianos defendamus.
Negamus in illo loco sermonem esse de Christo. Salomon enim de-
sapiencia in genere loquitur: Christus vero sapientia non simpliciter,
sed Dei appellatur. Salomon agit de sapientia , quae nec persona est,
nec esse potest, ut e variis effectis, quae isti sapientiae cap: 7, 8, & 9, tri-
buit, apparet , ex quibus ea sunt , quod per eam reges regnat & prin-
cipes iustitiam decernant. unde etiam cap: 9. eam introducit omnes
ad se invitantem & virgines suas mittentem: Christus vero ita sapien-
tia est, ut simul etiam sit persona.

Tertium argumentum esto. Christus est primogenitus omnis
creaturae. Ergo est creatura. Addimus autem , Quia non est creatura
vetus. hic enim Arianorum error est. Ergo nova. Affert responsio-
nem Athanasii Schopperus thesi 53. talem. *Veritas ipsa tam absurdam*
opinionem refutat, docetq; eum primogenitum inter multos fratres ap-
pellatum esse, ob carnis nostrae cognitionem: Primogenitum quoq; ex
mortuis, eò quod per eum, & cum eo resurrectio mortuorum incipit. Hæc
ille. Addit autem Schopperus. Respicit Paulus etiam eò, quod Christo
tanquam primogenito jus primogeniti scilicet regnum & sacerdotium
spirituale contigerit, ut noster Rex & sacerdos spiritualis esset. Sed & A-
thanasi & Schopperi responsio nulla prorsus est. Athanasius enim
docere conatur, quare Christus primogenitus inter multos fratres sit,
& primogenitus ex mortuis: Nunc vero de primogenito omnis crea-
tura sermo est, & ex ista phrasu argumentum dicitur, quod nec attin-
gitur, nedum ut refutetur: imò per ea, quae afferuntur, confirmatur.
Nam non minus ex eo , quod Christus primogenitus ex multis fratribus,
& ex mortuis appellatur, sequitur, eum esse unum ex fratribus &
mortuis, & proinde non Deum illum unum , qui pater est. Is enim
fratres nullos habet, & mori non potest. Aperi autem oculos, quisquis
es veritatis studiosus, & agnosce, quanta sit futilitas responsionum ad-
versariorum, ad leviter adversus eos instituta & directa argumenta, ut
quanta sit vis veritatis , tantò cognoscas rectius. Falsum præterea est,
Christum ob carnis nostrae cognitionem , primogenitum ex multis
fratribus, & eò, quod per eum & cum eo resurrectio mortuorum in-
cepit, primogenitum ex mortuis appellari. Christus enim ob spiritu-
alem , quam nobiscum habet cognitionem , primogenitus ex multis
fratribus appellatur, ut ipsa verba indicat. Alioquin enim nō ex multis
fratribus: sed ex omnibus: hominibus: dicendū fuisset. Primogenit⁹ vero ex
mortuis dicitur, quia primus ipse ex mortuis ad vitam immortalem
per venerit. Resp: vero Scho: & argumentum objectum non tangit,

Argumentum 3.

Responsio Atha-
nasii.

Additio Schoppe

Refutatio respō-
sionis Athanasii.Christus cur pri-
mogenitus ex
fratribus.Refutatio Re-
sponsionis Schoppe

& per se falsa est. Nihil enim cum sacerdotio Christi spirituali commune habet, id quod is primogenitus est omnis creaturæ: Regnum vero ipsius, quod in nos habet, denotatur quidem hac locutione, sed non solum. Nec enim omnis creaturæ nomine soli homines continentur, sed & angeli, iijq; tam mali quam boni. Ad hos enim omnes creatio per Christum facta, de qua Col. i., ceterus spectat, quatenus Christus ipsorum Dominus effectus est.

Argumentum 4.

Responso.

Argumentum (numero quartum), quod ex loco Esa: formasse Arianos ait Schopp. hoc modo: Ego sum Deus & non est alius. Ergo tantum unica est persona Divinitatis (non in Trinitate, ut inconsideratè loquitur Schopper), nam quomodo in Trinitate una tantum est persona, cum Trinitas ipsa plures necessariò significet) quanquam nos non urgemus isto modo, ineptissimè tamen solvitur ab Athanasio, dum th: 34 dicit Schop: *Deus per verbum suum locutus est: Non igitur verbum ipsis excluditur. Sicut enim dicto Prophetæ: Ego solus extendi celos: per particulam solus verbum seu filius non excluditur: cum de ipso etiam dictum sit, sine eo factum est nihil: Quare nec similibus particulis excluditur, sed in uno, solo, primo, consignificatur & co-intelligitur verbum.* O responsionem acutam. Sed finamus acumen, modò sit veri aliquid. At nec hujus mica est. Deus, inquit, per verbum suum locutus est. Quid tum postea? Num, ut Christus est verbum Dei, sic omne verbum Dei est Christus? Atqui suprà demonstravimus, verbum Dei sèpissimè jussum & decretum illius significare. Verissimum igitur est, voce *solum* excludi omnes, quicunq; sunt extra Deum & ejus personam, & ita excludi ab extensione cælorum Filium, ut excluditur a Deitate. Quod vero Iohannes ait, *sine ipso nihil est factum, id ad creationem nihil pertinet.* Est enim ibi vox *yεοντος.* Fieri autem multa possunt, quæ non sunt creata: Et additur mox, *quod factum est,* ut appareat, de rebus certis factis sermonem esse. Et deniq; tantum indicatur, alium quem aliquid fecisse, quod Christus in persona sua non fecerit, nec tamen sine ipsis opera & auxilio factum sit. Id autem est, quod Apostoli ad Evangelium complendum fecerunt. Hoc enim non per Christum factum fuit, nec tamen sine Christo.

Argumentum 5.

Responso.

Quintum argumentum esto. Solus Pater est verus Deus. Ergo non filius. Antecedens probamus loco I. Cor. 8.6. *Et si sint, qui dicuntur Dii, sive in celo sive in terra (sicut sunt multi Dii & Domini multi) sed nobis unus est Deus, pater ille, ex quo omnia, & nos in illum.* Et illo Ioh. 17, 3. *Hæc est vita æterna, ut cognoscant te, solum illum verum Deum.* Respondeat ex Athanasio thesi 55. Schopp. Atqui ista cum primis verbis per conjunctionem, Et, coherent, neq; que sequuntur, inde dirimenda sunt, & constanter

constantiter apud recte sentientes in confessione est, ambas partes Dominicae
vocis copulari debere. At quid istud ad rem? Nonne enim sequentia,
& quem misisti Iesum Christum, cum praecedentibus cohædere possunt,
& tamen verum manere, quod pater solus sit verus ille Deus? Cohæ-
dere, inquam, possunt, quatenus parum est sub novo Fœdere ad con-
sequendam vitam æternam, cognoscere patrem, qui solus est verus il-
le Deus, sed præterea requiritur, ut etiam cognoscatur Iesus Christus,
quem ille misit: vel quasi copulatis partibus vocis Dominicæ, sequa-
tur, Iesum Christum esse illum verum Deum, quod nullo modo verū
esse potest. Cùm enim pater solus sit verus Deus, aut Christus pater e-
rit; aut quia pater nō est, verus ille Deus esse nō potest. Sed quid habet
amplius Sch.: Audi, inquit, ut puto ex Athanasio, scriptam demonstrati-
onem: scimus quod filius Dei renit, & dedit nobis intellectum, ut cognosca-
mus verum Deum, & simus in vero ejus filio Iesu Christo. Hic est verus Deus
& vita æterna. Iamne animadvertis, easdem voces de Patre & filio pro-
ferri, æqualiter Patri & filio Deitatem imputantes. At demonstratio ista
multipliciter erronea est. Nam Græcus textus lögè aliter habet, nem-
pe sic: Et sumus in illo vero, in filio ejus Iesu Christo. Hic est verus Deus et
vita æterna. & sic etiam Lutheri versio habet. Præterquam quod nullo
modo constat, vocem Hic ad proximè ante nominatum antecedens
referendū esse, cùm novum non sit, istiusmodi relativa ad remotiora
spectare, ut inter alia exempla hæc pauca docent. Act. 4, II. Hic est la-
pis &c. cùm tamen proximè ante infirmi hominis mentio facta es-
set, in hoc iste astat coram vobis sanus. Et 7, 19. Hic circumveniens, &c.
quod ad regem alium, non ad Iosephum proxime nominatum refe-
rendum est. Et 10, 6. Hic diversatur apud quendam simonem coriarium,
cui est domus juxta mare. Hic dicet tibi quid te oporteat facere. Vbi vox
Hic posterior non ad coriarium proximè ante nominatum, sed ad Pe-
trum remotius nominatum referenda est. Sed & ipse Iohannes ex-
emplum hujus rei præbet, ep. 2, v. 7. Quoniam multi seductores ingressi sunt
in mundum, qui non confitentur Iesum Christum, qui venit in carne. Hic est
seductor & antichristus. Vbi nemo non videt, vocem Hic ad remotio-
ra referendam, etiam nemo, ad quem directè referri possit, nominatus
sit eodem numero. Et sancè nimis contortum foret, dicere, Iohannem
Christum appellare verum illum Deum, quem filium illius Dei veri
appellarat. cùm nemo sui ipsius filius esse possit; & de quo dixerat,
quod venerit, & Deum illum verum nobis patefecerit. Quis enim est
Deus ille, quem Christus patefecit, præter patrem? Ego, inquit Christus
ad Patrem, nomen tuum hominibus manifestavi. Quanquam etiam alia
ratione ad id responderi potest, ut scilicet vox Hic nec ad Patrem nec

Refutatio.

Responsionis con-
firmatio.

Refutatio illius.

Relativa interdis-
ad remotiora
pertinent.Ioh: 17. 6.
Observatio de u-
su pronominum
substantivorum.

ad filium referatur. Videamus enim alibi etiam, pronomina ejusmodi substantiva, quando construuntur cum verbo substantivo, non convenire in genere & numero cum subjecto & praedicato. Ut *Bonum autem semen hi sunt filii regni.* Ibi enim vox *hi* nec numero nec genere cum subjecto, quod est *semen bonum* convenit, sed cum praedicato *Fili regni:* & alibi. *Hæc autem est vita æterna &c.* ubi similiter pronomen *hæc* convenit in constructione cum vita æterna, quæ fœminini generis est, cùm tamen id, quod Christus dixit esse vitam æternam, nullo modo sit fœminini generis, sed secundum grammaticam per pronomen neutrius generis exprimi possit. Itaq; hoc in loco etiam intelligendum est, isto pronomine referri totum illud quod præcessit, & tamen genere masculino pronomen istud esse prolatum, ut secundum grammaticam conveniret cum eo, quod statim subjicitur, & prior pars totius praedicati est, nempe cum, *ille verus Deus.* Sensus autem est: *In eo*, quod diximus, est verus ille Deus & vita æterna. Nam quatenus quis cognoscit Christi Patrem, & ipsum Christum, cuius rei antea mentio facta fuerat, habet & illum verum Deum, & vitam æternam. Illum quidem verum Deum, quia Christi Pater est ille verus Deus: vitam autem æternam, quia illa a Christi Patre per ipsum Christum in nos proficitur. Sed adhuc habet aliud Schopperus ex Nazianzeno, qui sic ait: *Mea est sententia, illud cognoscant te solum verum Deum, ad eos, qui cum Diis dicantur, tamen non sunt, tollendos valere.* Alioqui si Christo ex adverso responderit, adjectum non esset, *Et quem misisti Iesum Christum.* Videtur Schopperus maluisse aliorum, quām suis uti responsionibus, ut ipse extra aliam positus, videret, quid aliis futurum esset. Quām calva enim, quæ so, hæc est sententia Nazianzeni? Certum est, ista verba valere ad tollendos falsos Deos: sed interim non se quitur, eos non valere ad tollendos omnes alios, quicunq; sunt extra illum Deum Patrem. *Quis enim tunc cogitat, talia monstra opinionum extitura, ut is, quem Deus ille verus pater misit, pro ipso vero Deo haberetur?* *Quæ vero addita sunt, Et quem misisti Iesum Christum, tantum docent,* Christum non excludi a cognitione ad vitam æternam necessaria, nō vero non excludi a Deitate illius veri Dei. Nec enim dictum est, *Hæc est vita æterna, ut tantum te cognoscant: sed dictum est, Hæc est vita æterna, ut cognoscant te, qui solus es verus Deus.* Potest igitur admetti alius ad cognitionem Dei: ad divinitatem vero, qualis est illius veri Dei, nempe naturalis, nemo proorsus. Iam enim non solus Pater esset verus Deus, si alii etiam præter illum, eadem proorsus divinitas eodem modo competeret.

Match: 3. 38.

Ioh: 17. 3.

Responsionis re-
liquum.

Refutatio illius.

Argumentum 6.

Sextum argumentum est. *Deus fecit Iesum, Christum & Dominum.*
Ergo Ie-

Ergo Iesus non est ille unus Deus. Respondet thesi 56. Schopp: cum Basilio & aliis Patribus, Petrum non loqui de divina natura Christi, quasi secundum illam sit factus Dominus, cum secundum illam sit Dominus genitus ex substantia Dei Patris ab aeterno: Verum loqui de Christo secundum eum humanam naturam, secundum quam ipsum Deus Pater per exaltationem fecit Dominum omnium creaturarum. Sed isto modo non docti disputant, qui cum aliis de rebus controvèrtunt, sed ita magistri dictitant, penes quos rerum summa est, quales nos præter Apostolos nullos agnoscimus, nec etiam agnoscit Schopperus. Hæc scilicet est veritatis vis, ut, nisi principium crassè tandem petant adversarii, obmutescere eos turpiter oporteat. Sed admissò etiam isto duarum naturarum commento, fallitas tamen tegi nequit. Quæro enim, quid opus fuit post resurrectionem demū & ob præstitam patri obedientiam Christum & Dominum, fieri Iesum, cùm ab ipso concepcionis momento ipse Deus fuerit ex mente adversariorum? Quæro iterum, quid opus fuit a Patre Iesum Dominum & Christum fieri, cùm ipse Christus id præstare potuerit, vel potius non potuerit non præstare, si idem ipse Deus fuit? Quia verò certo tempore, nempe post resurrectionem, & certa de causa, propter obedientiam scilicet, Iesu ab alio, nempe Patre suo Dominus & Christus factus est, hinc infallibiliter sequitur, Iesum nullo modo Deum illum unum esse.

Responsio.

Refutatio.

Act: 2.36.
Phil: 2.9.

Argumentum 7.

Responsio.

Refutatio.

Septimum argumentum esto: *Quod gignitur, posterior est gignente. Sed filius est a Patre genitus. Ergo posterior est Patre gignente.* Respondet th: 57. ex Hilario Schop: 1. Abjiciendas esse has tortuosas quæstiones & fidem spectandam. Ergo tortuosa est quæstio, dum impugnatur, aeterna Christi generatio, non tortuosa, cùm affirmatur contra Verbum Dei & sanam rationem? Nusquam enim Scriptura disertè testatur, Deum generasse filium ex sua substantia ab aeterno: Sana autem ratio id non permittit. Essentia enim Dei, ut nec multiplicari, nec in partes dividi potest, omnium consensu: ita nec tota communicari potest. Iam enim non esset numero una. At fides, ait, spectanda est. Quæ verò fides? Proferantur testimonia, producantur rationes, & habebit fides, quo nitatur. Nam absq; testimoniis sacrarum literarum, & absq; rationibus fides nulla est. At ait, aliud est nasci ex eo, qui non fuit, & aliud, ex eo nasci, qui semper est. Qui non semper pater est, non semper etiam genuit. Vbi autem semper pater est, semper & filius est. Aliud esse nasci ex eo, qui non semper est: & aliud, nasci ex eo, qui semper est, nulla ratione comprobavit Hilarius. Tam enim ad nativitatem ex eo, qui semper est, requiritur, ut prior sit ille, qui generat, quam ad nativitatem ex illo, qui non semper est. Et nihil re-

Responsionis probatio.

Refutatio ejusdem.

fert, quod pater semper est, ad constituendum, filium etiam semper
fuisse, nisi doceatur etiam, eum, qui pater est semper, semper etiam
fuisse, quatenus pater est. Eum autem, qui semper fuit, nempe Deum,
qui etiam pater est, semper fuisse quatenus pater est, nemo unquam
testatus est, quod tamen Hilarius affirmat. Deum enim esse, quatenus
essentiam significat in Deo illo uno, qui pater est, naturale est: At pa-
trem esse, voluntarium est.

Deus non semper
fuit Pater.

Argumentum s.

Responsio 1.

Refutatio.

Responsio 2.

Refutatio.

Ioh: 1. 13.

Quid sit Filium
Dei fieri, Ioh: 1.

Mar: 8. 35.

Luc: 17. 33.

Responsio 3.

Refutatio.

Responsio 4.

Refutatio.

Octavū argumentum esto: Deus Pater Christum excitavit a mor-
tuis. Ergo Christus seipsum non excitavit, & sic non est unus ille Deus.
Respondet thes: 68. ex Epiphanio Schopperus. *Iam & filius potentia-
m habet excitandi mortuos. Quis enim Lazarum, quis viduæ filium in
Nain, quis filium archisynagogæ excitavit? Cujus nomen Apostoli invoca-
entes mortuos suscitabant?* Ego verò miror ista tam puerilia a Schop-
pero allata, & doleo, ea in tanto hominum doctorum collegio ap-
probata fuisse. *Quid enim ineptius dici potuit?* Num is, qui alios ad
hanc vitam temporariam excitare potest, seipsum etiam excitare
potest? Ergo etiam Prophetæ & Apostoli seipso excitare possunt,
nam & hi mortuos suscitarunt? Apage istas nugas. Audiamus alia. De-
inde Christus ipse prædixit, se suā potentia resurrectrū die tertio, sicut &
clarè inquit, potestatē habeo animā meā ponendi & recipiendi, (in Græ-
co est, sumendi vel accipiendi, est enim λαβεῖν.) Ioh: 10. At hæc phrasis
potestatē habere animā accipiēdi, figurata est. Legimus enim, quod iis
etiam, qui Christū receperunt, in nomē ejus credunt & ex Deo nati sunt,
data sit potestas, ut filii Dei fiant, hoc est, ut immortales evadant. nam
alio modo iis, qui Christum receperunt, in nomine ejus credunt, & ex
Deo nati sunt, filii Dei fieri non possunt, cùm jam sint isto modo filii
Dei, quo homines in hoc seculo esse possunt: Et tamen certo certius
est, neminem fidelium potentia suā resurrectum, sed omnes in
Christi adventu Dei virtute per Christum esse resuscitandos. Simili
loquendi modo tribuitur etiam fidelibus, quod sint animas suas ser-
vaturi & vivificaturi, quod majus est, cum tamen id ipse Deus per
Christum facturus sit. Sed restat adhuc aliud: Hac phrasit, ait, *Apostolus*
usus est, ut ostendat, nihil sine voluntate Patris in salutis dispensatione
factum esse. At hæc est nuda etiam assertio, & procul omni dubio falsa
mentis Pauli assertio; & etiamsi esset verissima, ad rem nihil facit. Vis
enim argumenti manet eadem. Denique & hoc addit Schopp: *Addo*
*& hoc, quod Christus Ioh: 5. dicit, sicut Pater suscitat mortuos & vivifi-
cat, sic & filius quos vult vivificat.* At hoc non respectu Christi sed
populi ipsius dictum esse, quis non videt? Potest autem aliquis potes-
tatem habere alios vivificandi, nec tamen semetipsum vivificare.

Est enim

Et est manifesta contradic^{tio} in ista phrasⁱ, semetipsum resuscitare. Nam qui resuscitat aliquem, is , ut vivat, necesse est: Qui verò vivit, quomodo mortuus est? Nec quicquam hīc valet commentum duarū naturarū. Christus enim quoad naturam mori non potuit, cūm mori sit passio : passiones autem sint suppositorum vel personarū. Iam si suppositum vel persona Christi mortua est , quomodo Christus seipsum vivificare potuit, cūm persona sit resuscitare ? Hi scilicet sunt labyrinthi, quibus se intricant ii, qui monstruosos errores magis amant quām simplicem veritatem. Præterea notandum est, verba Christi Iohan: 5. intelligenda esse de eo tempore, quo Christus jam immortalis effectus erat , etiamsi in præsenti tēpore prolatā sint. Iste enim temporum enallage usitatores sunt , quām ut exempla eorum afferre necesse sit. De tempore autem futuro intelligenda esse hinc constat , quod in iis ratio redditur rei futuræ post illud tempus, quando Christus ista verba dixit: Pater diligit filium, & omnia demonstrat ei, quæ ipse facit, & majora his demonstrabit ei opera, ut vos mirermini. Sicut enim Pater, &c. Majora autem opera illis, quæ Christus in terris faciebat , Pater filio priùs non demonstravit , hoc est, potestatem ea faciendi illi non dedit, quām cūm eum a mortuis resuscitatum ad dexteram suam collocavit.

Argumentum ex verbis Iohan: 5. Nihil facit filius, nisi viderit Patrem facientem , unde concluditur , filium a Patre discere , & sic minorem esse Patrem, omittimus. Nam non illo modo nos argumentari solemus. Quanquam responsio Epiphanius valde puerilis est. Tantum enim suo more sententiam dicit , argumētum verò prorsus intactum relinquit. Quem modum respondendi, dum hodie etiam sequuntur nostri adversarii, ut infrā apparebit, Patrum se quidemistorum similes esse produnt , interim verò causæ suæ & existimationi multū apud perspicaces detrahunt. Quis enim nisi mancipium , patiatur se trahi sola humana autoritate in rebus ad salutem pertinentib^{us}?

Nonum argumentum esto. Christus tradet regnum suum Deo & Patri, cūm evacuaverit omnem principatum & potestatem & virtutem , & ipse subjectus erit Deo Patri. Ergo Christus non est ille unus Deus. Asscripsit ex Hilario responsionem tales Schopperus thesi 60. Ante omnia querendum est, an finis apud Paulum significet defctionem, traditio amissionem, subjectio infirmitatem. Negat autem finem significare defctionem. Quia finis sit immobilis manēdi ad quem tenditur statum. Traditionem regni negat esse amissionem, quia Deus etiam tradiderit omnia Christo, nec tamen iis, quæ tradidit, caruerit. Subjectio negat significare infirmitatem, vel subjectio tanquā servitutem

scipsum vivificare contradic^{tio} est.

Verba Ioh: 5. de re futura intelligenda sunt.

Argumentum 97

Responsio 24

vitutē Dominatui, sed significare ait dispensationem temporis & sacra-
mēti. Evacuationē negat idē esse quod subjectionē. Nam evacuare, ait,
adversantem potestatē, est jus potestatis afferre, ne maneat: & per po-
testatis evacuationem, regni est abolere dominatum, (sic habet Schoppe-
rū) & tandem sic concludit, Tradet ergo regnum Deo Patri, non utique
tanquam tradens potestatē concedat, sed quōd nos conformes glorie cor-
poris sui facti regnum Dei erimus. Et hactenus Hilarius. Cui responsi-
oni suorū etiam Theologorū responsionē adjungit Scho.: Paulum id
velle: Deinde finis erit, scilicet mundanorum imperiorum & regnorum,
quōd scilicet post resurrectionem mortuorum nulli amplius imperatores,
reges & principes sint regnaturi, cum Christus tradiderit regnum, sci-
licet modum gubernandi Ecclesiam per ministerium Verbi & Sacramē-
torum, quōd scilicet post resurrectionem mortuorum nullo amplius opus
erit ministerio Ecclesiastico: cūm evakuaverit seu abrogaverit omnē prin-
cipatum &c. id est, cum plenissimam victoriam contra omnes hostes suos,
adeoq; etiam contra ultimum hostem, mortem scilicet, adeptus fuerit, tū
Ecclesiam suam ab omni malo liberatam siset patri suo cœlesti, ut eum e-
ternis laudibus celebret. Igitur Christus tunc non desinet esse Rex sue Ec-
clesiae, sed tantum modum regnandi mutabit: quod scilicet non amplius
per ministerium verbi regnabit: sed tum erit omnia in omnibus, ac elec-
tōs suos æternæ sue beatitudinis consortes efficiet: &c. Verba etiam. Tunc
& ipsi filius subjectus erit ei, qui sibi subjecit omnia, ita explicat, id est,
subjectus ei erit ratione carnis assumptæ, juxta quam etiam minor est pa-
tre, ut sit Deus omnia in omnibus, id est, filius Dei, de cœlis omnibus ho-
stibus refocillabit suam Ecclesiam in vita æterna, ac omnia in omnibus
erit, ut electi per ipsum æterna beatitudine fruantur. Ascripsi omnia Hi-
larii & Theologorum Schopperi verba, vel saltem sensum integrum,
ut agnoscat benevolus & pius lector, quanta sit argumenti ex hoc lo-
go ducti vis, quæ nullis nec veterum nec recentiorum Theologorum
glossis ita obscurari potest, ut non semper ipsius splendor appareat.
Et experti sumus hactenus, stante sententia de Christi persona, quam
sequuntur aduersarii, nullam ad hæc verba afferri posse explicationē,
quæ non sit admodum ridicula, vel certè falsa. Vnde si quisalius locus
sacrarum literarum, hic addetegendum errorem circa personam Dei,
quōd sit ipse Deus unus, longè aptissimus est. Sed ad responsiones Hi-
larii. Mittimus autem ea, quæ de voce, Finis, & de verbis, cum evakuau-
erit omnem potestatem &c. dicta sunt. Nec enim planè constat, (quā-
quam alios ita sentire scio) vocem Finis ad finem regni Christi perti-
nere, cūm ad finem negotii salutis non incommode referri posse vi-
deatur. Subjungitur enim ista vox his verbis, quibus dictum fuerat:
primitias

Responsio 2.

Loci 1. Cor:15.
robur ad everten-
dam opinionem
de fictione divina
Christi natura.

Refutatio 1. re-
sponsionis.

primitias esse Christum, deinde eos qui sunt Christi, in aduentu illius, scilicet resurrecturos. Deinde finem futurum, nempe negotii illius salutis, cuius peragendi & conficiendi causa Christus in mundum venerat & exaltatus fuerat. De quo tamen cordati lectoris judicium esto. Verba etiam, cum evanuaverit omnem potestatem &c. non ad Christi, sed hostium illius potestatem, quam Christus tunc prorsus abolebit, referenda esse ipse Hilarius & Theologi Schopperi confitentur. Hæc porro tenemus; Christus ita tradet regnum suum Deo & patri, ut subjectus ipse futurus sit ei, qui sibi subjectum omnia. Ergo Christus non est ille unus Deus. Is enim nemini regnum suum ita tradet aut tradere potest, ut subjectus alicui sit. Quæ verò respondet Hilarius, *Traditio regni, non est amissio. Nam & Pater omnia tradidit Christo, nec tamen omnia amisit, ea nihil prorsus valent. Diversitas enim rerum, quæ traduntur, diversitatem etiam traditionis efficit. Sunt quædam, quæ licet alii tradantur, tamen non inferunt amissionem: sunt, quæ omnino inferunt. Ut, exempli causa, scientia, quæ in aliquo inest, tradi alteri potest, quatenus ei reuelatur vel cum eo communicatur, nec tamen ulla ratione is, qui alteri eam revelat, vel cum eo communicat, amisisse illam dici potest: Domus verò vel tale quid, nulla ratione alteri ita dari potest, ut eam is non amittat, qui alteri eam largitur. Quando igitur Christus ait, omnia sibi tradita esse a Patre suo, de iis omnibus loquitur, quæ non possunt amitti ab eo, qui ea alteri tradit, nempe de scientia rerum divinarum, vel cognitione divina voluntatis perfecta, quatenus ad salutem nostram necesse est. Statim enim Christus addit, explicans quæ sint illa omnia, tradita sibi a Patre: Et nemo supercognoscit filium nisi Pater, nec Patrem quis supercognoscit nisi filius, & cui filius voluerit revelare. Venite ad me omnes &c. discite a me &c: At regni longè alia est ratio. Hoc enim in actione externa consistit, non in qualitate aliqua interna, & proinde deponi potest, ut in ipso Deo Patre videmus. De hoc enim dicit Christus, quod neminem judicet, sed omne judgmentum dederit filio, aperte & disertè docens, Patrem ab eo tempore, quo Christus in cœlos ascendit, in sua persona non gubernare populum suum. (hoc enim est judicare, loquendi modo Hebraico.) quia sci- licet Christum præfecerit domui suæ, per quem eam administrat.*

Desubjectione nihil respondet Hilarius, quod dignum sit refutatio ne. Tantum enim dicit, subjectione significare dispensationem temporis & Sacramenti. Hoc verò quid est aliud, quām principiū petere & nungari? Firmum igitur stat argumentum ex ea ductum. Sed responsionibus ad argumentum nostrum expensis, expendamus etiam explanationes loci ipsius. Finis erit, ait cum Theologis suis Schopperus, sci-

*Quænam traditio
amissionem effi-
ciat,*

Matth: 11. 27.

Joh. 5. 21.

*Refutatio expli-
cationum hujus
loci.*

licet mundanorum imperiorum. At nulla causa est, cur hujus potius rei, quam aliarum, quarum tunc finis futurus est, mentionem Apostolus faciat: imò causa esse videtur, cur in his verbis istius rei finis non includatur. Statim enim, postquam dixisset, finem futurum, addit interalia, Christum etiam aboliturum omnem potestatem &c. atq; ita una eademq; res bis exprimeretur sine ulla necessitate. *Tradet regnum Deo & Patri*, ait Hilarius, est, nos conformis gloriae corporis sui facti, Regnum Dei erimus. Sed quis unquam audivit tales locutiones: Nos regnum Dei futuros? cum potius legatur nos regni Dei participes futuros, ad quod vocati sumus. Præterea regnum Christi non soli homines censendi sunt. Nam & Angeli potissima ejus pars sunt. Quomodo verò regnum Dei erunt Angeli? Schop: porrò cum Theologis ait: *Christum regnum traditurum, quia modum regnandi mutabit, qui sit per ministerium verbi & Sacramentorum.* Mitto nunc illud, quod per Sacramenta Christus Ecclesiam gubernet, quod tamen falsissimum esse indico. Illud dico: Mutatio modi regnandi, non est traditio regni. Nam & is regnum retinet, qui modum regnandi mutat. Paulus autem ait, *Christum regnum traditurum, ita scilicet ut finis ejus futurus sit.* nam mox addit: *oportet enim regnare, donec ponat omnes inimicos sub pedes suos.* Vnde apparet, finem regni futurum, cum omnes inimicos sub pedes suos posuerit. Deinde non simpliciter dicit Paulus, *Christum traditurum regnum, sed traditurum illud Deo & Patri.* Vnde sequetur, Patrem per verbum & sacramenta tunc gubernaturum Ecclesiam, siquidem id, quod per ea gubernabatur, traditum habebit, quod quam absurdum sit, nemo non videt. Præterea ad regnum Christi pertinent non tantum homines pii, sed etiam impii, imò angeli etiam omnes. Ad hos verò, quomodo gubernatio per ministerium verbi & sacramentorum pertinet? Deniq; idem Paulus, qui dicit, *Christum regnum traditurum, dicit etiam, ipsum filium subjectum futurum Deo.* Subjectum verò esse & regnare contraria sunt.

Christum regnum suum traditurum, quia Ecclesiam liberatam ab omni malo, patris sistet, quod porrò ait Schopperus, per ea, qua paulò ante ad Hilarii explicationem attulimus, dilutum est. Subjectum filium futurum, quia ratione carnis assumtæ, juxta quam minor est patre, subjectus futurus sit, nonné est putiduni prorsus commentum? Nam & principium in eo turpiter petitur. cum, an carnem Christus assumtam habeat, & an juxta illam Patre minor sit, controvèrtatur, & ipsum feso destruit. Certum enim est, Christū ratione carnis assumtæ semper fuisse patre minorem, & nunc etiam esse. Quomodo igitur dici potest, cum ratione illius futurum subjectum? Hæc enim verba Pauli præsupponunt,

Eph: 5. 9.
1. Thess. 2. 13.

ponunt, filium Dei nunc non esse subjectum ei, qui sibi omnia subjec-
cit. Præterea dicitur tunc, *Et ipse filius subjectus erit.* Vnde conslat simili-
tudinem indicari subjectionis, quā ipse filius subjectus erit, cum sub-
jectione aliorū. Hæc enim vocis hujus *Et, vis est.* Vide Rō. 8.21. Iste ve-
rò alii, sunt illi omnes, de quib⁹ mox addit, ut sit Deus omnia in omnibus.
nempe fidelibus. Fideles autem non ita sunt futuri subjecti, ut
natura eorū aliquanō sit futura subjecta, sed toti, quanti quanti sunt,
subjecti erunt.

Deum futurum omnia in omnibus, Schopperus cum Theologis de
Filio Dei intelligit, & cum omnia in omnibus futurum, ita explicat,
quod electi per ipsum æternā beatitudine fructuri sunt. Sed ineptissi-
mè hoc dicitur; nec ulla ratione probat Schopperus vocem Deus, hoc
in loco Filium Dei significare, nec probare potest. Quandocunq; c-
enim nomen Deus subjecti locum habet, semper Deus pater intelligi-
tur, Christus verò nunquam. Præterea si de Christo vox ea accipienda
esset, Paulus ipse sibi esset contrarius. Nam omnia esse in omnibus,
contrarium est ei, subjectum esse alicui. Vnde quia Christus nunc est
omnia in omnibus, subjectus patri non esse, sed subjectus futurus di-
citur. Deniq; de re tali Paulus loquitur, quæ nunc nondum est in illo
Deo. Ait enim, *ut Deus sit, hoc est, ut Deus re ipsa fiat, omnia in omnibus.* At Christus nunc est omnia in omnibus. Itaq; non est opus, ut sit
olim omnia in omnibus. Vide iterum benevole & cordate lector, quā-
ta errorum in unius loci explicatione farrago, in quos tamen non o-
mnes accuratè animadversum est, ut hinc perspicias, locum hūc pror-
sus non ferre istam de Christo sententiam, quam hodie plarique se-
quuntur, quod scilicet sit ille unus Deus.

Dices, quæ igitur tua est de hoc loco sententia? Hanc exponere,
etiam si nullo jure teneat, exponam tamen publici commodi causā.
Tempus erat, cum solus Deus regnaret in cœlis: Hic ad regni sui con-
sortium admisit Iesum Christum, tunc quando eum a dextris suis col-
locavit, tum ut divinam suam perfectè manifestaret gloriam, tum ut
perfectissimam hominibus sibi confidendi preberet occasionem. Re-
gni Christi tanta est perfectio, ut Deus, quod ad Ecclesiā attinet, jam
non in sua persona regnet. Pater enim neminem judicat: sed Christus
est nunc omnia in omnibus, & omnia in omnibus implet, & loco Dei
regnaturus est, usq; ad illud tempus, quando omnes fideles beata im-
mortalitate donabit. Hoc facto, regnum, quale nunc Christus admini-
strat, cessaturum est. Nam populum suum nec gubernabit amplius,
nec servabit, ut nunc facit, ut pote qui unā cum illo beatus futurus est.
Christus etiam ipse subjectus erit, ei qui sibi omnia subjecit, quatenus

Quando vox DEI
Patri competat.

Ephes: 1. 23.
Col: 3. 13.

Sententia loci:
1. Cor: 15.

is, qui nunc unā cum Deo regnat, & ceterus non subject⁹ est, isto modo, quo nunc regnat, regnare desinet. Regnabit autem Deus de novo, nempe non per aliū, sed in sua persona (quod est esse omnia) super omnes, hoc est, tam super Christum quām super fideles. Regnabit etiam Christus. nam fideles cum illo regnabunt: Sed modus ille regnandi, licet futurus sit longè beatissimus, non est tamen futurus similis ei, quo nunc Christus regnat super angelos & homines & omnia quæcūq; sunt extra Deum, ut ipsa res loquitur. Et licet inter omnes fideles Christus futurus sit excellentissimus, quia tamen illi unā cum eo regnabunt, subjecti ei non erunt, ut etiam Christus nūc, quandiu regnat, patri suo subjectus re ipsa non est. Hoc est illud admirandū nostræ salutis mysterium, quod falsa de Christi persona opinatio profrus ex animis hominum evulsum cupit. Deo autem est laus, qui nobis oculos mentis aperuit ad ea cognoscenda, quibus homini mortali nihil desiderabilius esse potest.

Argumentum 10.

Responsio.

Refutatio.

De loco Ioh: 1.

14.

Decimum argumentum esto. Christus est exaltatus & accepit adorationem in tempore. Ergo non est unus ille Deus. Respondet Schopperus thesi 61. ex Athanasio. Quomodo illud accepit, quod semper habuit, antequam acciperet? aut quomodo exaltabatur, qui, priusquam exaltaretur, altissimus erat? aut quomodo accepit, ut adoretur, qui antequam hoc acciperet, semper adorabatur? Admittimus istam consequentiam. Sed negamus assumptionem, Christum semper habuisse, quod accepisse dicitur, altissimum item & adoratum fuisse semper. Quid hic respondet Athanasius? Non est enigma, ait, sed mysterium divinum: In principio erat verbum, & verbum erat apud Deum, & Deus erat verbum. Post modo autem in gratiam nostri Deus caro factus est. &c. quorum summi tandem ipse Schopp. talem facit. Ex quibus verbis elucescit, quod D. Athanasius loca S. scripturae de acceptis & datis in tempore, item de exaltatione intellexerit de Christo non secundum ejus divinam, sed secundum humanam naturam. Digna sane tum Athanasio tum Schoppero responsio. Ergo, quia non enigma sed mysterium divinum est: In principio erat verbum &c. Christus fuit altissimus & adoratus semper, & omnia semper habuit. Haec vero, quām sint ab omni vero aliena, alibi a nobis fusissimè demonstratum est, tum in homiliis super hunc locum, tum in refutatione libelli M. Smiglicii Iesuitæ, cui titulus est, *Verbum caro factum est*. Vbi docuimus: Neminem ante Iesum, natum ex virgine, esse illum sermonem Dei: hunc fuisse in principio, non omnium rerum, sed Evangelii: hunc fuisse, in illo scilicet principio Evangelii, apud Deum, quia vel re ipsa ad Deum in celos ascenderit, vel quia Deo tunc soli notus fuerit. Et hinc potius concludi, sermonem

monem illum non esse ipsum Deum unum, quia apud Deum fuerit. Deus enim unus apud Deum nunquam fuit: & si Iohannes antea dixisset, sermonem fuisse ab æterno, non opus fuisse addere, quod apud Deum fuerit. cum hoc ex illo consequatur necessariò, nec ab æterno quisquā esse possit, nisi apud Deum. Hunc porrò sermonem Deum esse, non ob naturam sed ob munus. Nam si ob naturam Deus appellaretur, essent duo naturâ Dii: Et si ante adictum fuisse, sermonem esse ab æterno, jam non opus fuisse dicere, eum fuisse Deum. Nam quod ab æterno est, & persona est, non potest esse nisi Deus. Sermonem verò vel Deum illum carnem esse factum, docuimus a Iohanne nondicimus: sed contra dici, sermonem illum, quem ob munus Deum appellaverat, carnem fuisse quoad naturam, ne scilicet quis ob tot & tanta Sermonis encomia alius eum naturæ esse crederet, quam ejus, de qua Matthæus & Lucas prolixè scribunt, nempe humanæ, dum ejus conceptionem & nativitatem tam accuratè persequuntur. Ad quæ lectorem jure remittere possumus, quia nullo argumento Athanasius ostendit, quomodo ex verbis Iohannis, ista, quæ probanda ipsi erant, vel per speciem consequantur. Alterum verò, quod tanquam summam Athanasii dictorum Schopperus repetit, nonné est ista crassa adversariorum fallacia, quâ, quod in principio est, impudenter petunt? Quæstio est, an Christus habeat divinam naturam. Negatur ea a nobis, tum alias ob causas, tum quod Christus exaltatus sit a Patre & ab eo adorationem acceperit. Respondent nobis aduersarii: Exaltatum eum esse & accepisse adorationem, non secundùm divinam, sed secundùm humanam naturam, quod est vel alios ludificari, vel desperationem causare prodere.

Affert præterea Schopperus, quid super hoc dictum Christi. *Omnia mihi tradita sunt a Patre*, ex quibus invictum etiam argumentum ejus, quod Christus non sit unus ille Deus, peti potest, idem Athanasius scripsierit. Sed verba Athanasii tantum vel convitium sunt, vel nuda erroris assertio, refutationis verò in ea ne minimum apparet vestigium. Ait, sectatores hæreseos Arianae istud non intelligere, & in Dominum impiè agere dum ita argumentantur: *Omnia a Patre tradita sunt Christo*. Ergo fuit quando non habebat: & ait, ex illo ipso dicto magis illorum insaniam refutari. Hoc, inquam, est convitiari adversarium, non refutare. Addit porrò: *Quapropter impiorum sententia vana & futile est*. Neque enim ut sentiunt res ita se habet, sed sub iis verbis, dispensatio rerum per carnem gerendarum significatur. Hoc, dico iterum, est & convitiari, & sententiam nudè dicere. Quod utrumque ad refutandum adversarium nihil valet: Eum verò, qui ita

Refutatio aliorū
quorundam di-
ctorum Athana-
sii.

se gerit, & a pietate & veritate destitutum esse, testatur. Hic jam mis-
sis argumentis Arianorum veterum, Schopperus recentium etiam
quædam recenset, quæ unde de præsente equidem nescio. Non male
autem suæ existimationi & nostro etiam & aliorum commodo consu-
luisse Schopp: si locum, ubi ea scripta extant, annotasset. Solent e-
nī raro argumenta nostra fideliter recitare adversarii, & magis ar-
gumenta nostra responsionibus suis, quam responsiones argumentis
accommmodant. Sed videamus tamē quænam sint ista argumenta, &
quænam eorum solutiones.

Argumentum 1.
recentiorum,

1. Argumentum est th:63. Deus est
ens primum, perfectum, immutabile, a nullo pendens, per se suffici-
ens. Sed filius pendet a Patre, quia ab illo est genitus. Ergo non est ve-
rus, hoc est, unus vel summus Deus. Sic enim semper vocem verum
accipere necesse est. Respondet Schop: ad Minorem: *In rebus huma-
nis ita est constitutum, ut genitus a genitore pendeat, & per se non sit suf-
ficiens. Sed in rebus divinis est alia ratio.* Ergo alia est veritas Philosophi-
ca, alia Theologica, & falsum aliquid erit in Philosophia, quod verū est
in Theologia, & vice versa? O brutā religionem. Sed audiamus probati-
onem. Nam ibi, ait, *Filius non ita a Patre gignitur, ut ab eo pendeat, id est,
ut per se non sit sufficiens ἐφισάμενος, sed per se subsistit, nec a Patre suspen-
zatur.* At hæc non est ratio, sed simplex sententia vestræ recitatio. Ra-
tio autem suadet cōtrarium. Semper enim id, quod ab alio producitur
ab eodem dependet. Audiamus reliqua: *Nam illa generatio Filii Dei est
æterna, ut ibi non sit prioritas temporis: sed sicut est Pater æternus, sic e-
tiam filius est æternus.* At hoc est principium petere. Nunc enim de
eo ipso quæstio instituta, & argumentum propositum est, quod pro
responsione affertur. Sed restat ratio: *Si filius non sit æternus, nec Pa-
ter est æternus, quia Pater est respectu Filii.* At hæc ratio supra ex Hi-
lario allata fuerat ad argumentum septimum. Imò hoc ipsum argu-
mentum ibidem re ipsa tractatum fuerat. Cur igitur idein otiosè re-
petit Schopperus? Dicimus autem iterum: Scripturam nuspianum De-
um, æternum Patrem appellare. Est quidem Deus is, qui Pater est, æ-
ternus: sed quatenus Pater est, tam æternus non est, quam creator æ-
ternus non est, etiam si is, qui creator est, æternus sit.

Argumentum 2.

Responsio Sch:

Refutatio,

Argumentum 2. est thesi 64. Quicunque generatur, necesse est
ut incipiatur esse. Sed filius est generatus. Ergo fuit tempus quo cœpit
esse. Responsio est. Hæc argumenta omnia sunt deducta ex ratione hu-
mana, ubi fieri solet, ut generatus modò a generatione incipiatur esse. Sed
generatio filii Dei non est temporalis, sed æterna: ideo etiam non in tem-
pore cœpit esse, sed habet suum esse ab eterno. En habes legitimam & so-
lidam argumenti solutionem, similem prorsus antecedenti. Ergo tui-
am ex iis,

am ex iis, quæ modò diximus, quid de illa sentiendum sit, collige. Me quidem pudet istarum anilium respcionum, & nisi aliter se gerant adversarii, hoc ipso omnes, qui aliquid sapiunt, a se & opinione sua brevi deterrerebunt. Meminerit autem lector eorum, quæ suprà ab initio ad thesin 9, 10, 11. annotavimus. Ibi enim ex ratione humana argumenta afferit ipse Schopperus: hîc ex eadem ratione deducta rejicit.

Argumentum 3. est, thesi 65. In æternitate non est prius aut posterius. Sed in generatione filii Dei est prius & posterius. Pater enim genuit, quod est prius: filius est genitus, quod est posterius. Ergo illa generatio non est æterna. Responsio Schopperi est: *In rebus humanis ita habet, ut genitor sit prior & genitus posterior. Sed in divinitate alia est ratio.* Nam hîc non licet imaginari aliquod tempus, quo filius genitus non simul cum Patre fuerit: sed sicuti Pater est æternus. Asscripsisse ista, satis est ea refutasse. Nam primum verbis tantum hoc argumentum differt a præcedentibus, re ipsa verò idem est cum illis. Deinde responsio non tantum re ipsa, sed verbis etiam, una est cum præcedentibus. Quorūm igitur tempore & lectore abutimur? Principium pertinaciter petere, non est argumentum solvere. Generationem in essentia divina dari negamus: Deum ab æterno generasse filium, nusquam extare contendimus: tempus & modum alijs generationis filii Dei ex sacris literis ad oculum ostendimus. Quomodo igitur nobis generatio ex essentia Dei, eaque ab æterno tam importunè obtruditur? Exemplum solis & radiorum, qui simul cum sole essent æterni, si sol esset æternus, nihil hic facit. Nec enim Deus ita sine filio esse non potest, ut sol sine radiis esse non potest naturâ. Cùm Deus esse possit, etiam si Pater non sit: aut doceatur contrarium, Deum scilicet semper Patrem fuisse, quod nunquam futurum petuisassimum nobis est.

Argumentum 4. est thesi 66. Omnis generatio, postquam producens est terminus illius, conquiescit. Sed æternæ generationis (secundum adversarios) terminus est λόγος. Ergo postquam productus est λόγος, conquievit illa æternæ generatio. Responsio Schopperi est: *Hoc argumentum etiam ex rebus humanis est mutuatum, in quibus generatio facta tandem quiescit. Sed in Trinitate alia est ratio, quod scilicet illa generatio Filii Dei æterna, non temporalis.* Sic scilicet argumenta solvuntur: sic adversarii refutantur, & ab errore suo retrahuntur. Si generatio filii Dei nondum est facta, sed adhuc fit, ergo nondum est filius Dei generatus, sed tantum adhuc generatur. Cur igitur dicitis: Deus genuit filium, & non potius, Deus gignit filium? Imposturæ sunt istæ, quibus humanum genus is fascinavit, qui omnis mendacii autor est, connivente Deo, & hac ratione de hominibus, quibus

Argumentum 3.

Refutatio Sch.

Refutatio.

Argumentum 4.

Responsio Sch.

Refutatio.

quibus simplex veritatis oratio non arridebat, supplicium grave quidem sed justum sumente.

**Argumentum 5.
Sic dicum.**

Argumentum 5. facit thesi 67. Si filius est coæternus, non potest suum esse & durationem a Patre accipere. Sed est coæternus secundum Trinitarios. Ergo non potuit suum esse, & durationem a Patre accipere. Hoc argumentum isto modo formatum pro nostro non agnoscimus. Nec enim nobis propositum est probare, Christum non potuisse suum esse & durationem a Patre accipere, sed potius, quia esse suum a Patre accepit, hinc, cum non esse illum Deum, qui Pater est, validissime evincimus.

Argumentum 6.

**Responsio Schop:
& ejusdem refu-
gatio.**

Argumentum 6. facit thesi 68. Hypostasis τὸ λόγον vel erat in Patre, cum generaret λόγον, vel non erat. Si erat, ergo est una persona Patris & Filii. Sed & hoc argumentum mutilum est, quanquam recte formatum, verissimum sit. Resp: verò Schop: aliud nihil est, quam ipsius cantilenā, quam eadem chordā oberrans ad ravim usque iterat, nempe petitio principii. Sic enim ait: Respondeo: Filius est in Patre per identitatem essentiae, non autem per identitatem personae. Pater & λόγος habent unam communem essentiam, sed non unam ψυχήν vel personam. Nam Pater est persona gignens, λόγος persona genita. Quæ ita ascripsisse, satis etiā est ad ea refutāda. Nam qui sic respondent, si, quod recte respondeant, non habent. Ratio docet: Tot esse essentias, quot sunt personae, cum persona nihil aliud sit, quam essentia individua intelligens: Schopperus verò essentiam a persona distinguit. Essentia Dei numero una est, & ut sit, necesse est: Schopperus verò ait, eam esse communem. Quod commune est, numero unum non est: Quod numero unum est, commune esse nequit. Persona est gignens Pater, genita filius: Sed nec Pater ex essentia gignēs, nec filius ex essentia Patris genita persona est. Generavit enim Deus filium suum ex virgine Maria. Quid igitur respondit Schopperus?

**Argumentum 7.
Parum rectum.**

Responsio.

Argumentum 7. facit: Mediator medius est inter personam offendentem & offenditam, nec altera earum potest esse mediator. Sed persona offensa est Deus Israelis, qui unus est: & mediator est Christus. Ergo Christus non est ille Deus Israëlis. Et hoc argumentum ita formatum nostrum non est. Nos enim Deum personam offenditam esse nusquam dicimus, sed si ita loquimur, ex mente aduersariorum id facimus. Videamus autem, quid ad illud respondeat Schopperus. Quod ad Christum attinet, is secundum Deitatem etiam est persona offensa, scilicet nostris peccatis: Sed jam ita conventum est in consilio S. Trinitatis, ut media persona, Filius Dei, assumta carne fieret Mediator generis humani, ac

imò paucissima, His firmiter stantibus & retentis, etiam si tandem quis multa clarissima vel non intelligat, vel eis se opponat, vel etiam de illis dubitet, & catenus ea neget, salutem alicujus periclitari simpliciter dici nequit, quantumvis eum graviter & turpiter errare, jure dici possit.

Sed pergamus cum Ravenspergero discurrente: Personam Christi, ait, eos impugnare, qui vel ejus humanitatem vel divinitatem oppugnant. Hoc probandum erat. Non enim personam, sed naturas Christi isti impugnant. Personam autem Christi is tantum impugnaret, ex mente Ravensp., qui negaret, eum esse divinam personam, nam talis tantum est Christus ex mente illius: Ex mente autem nostra & ipsius veritatis, is personam Christi impugnat, qui negat, eum esse personam humanam. Talis enim tantum est & esse potest Christus. Homo enim nemo sine persona humana esse potest. &, si subjectum aliquod sit persona humana, jam persona divina idem esse non potest. Sic Ravensp.; quicquid ei visum est, pronunciavit.

De illa, ait, Iohannem dicere iohann. 4.3. Qicunq; Spiritus non profitetur (Iohannes ait: omnis spiritus qui non confitetur) Iesum Christum in carnem venisse, ex Deo non est. Sed (Iohannes habet, Et) hic est (Spiritus) Antichristi. Mox vero de suo addit Ravenspergerus, idq; literis maiusculis: Iesus venit in carne, hoc est, verus aeterni Patris Filius, idemq; verus Deus homo est factus, non mutatione divinitatis, sed assumptione humanitatis, ut in humana natura fieret victima, expiatetq; peccatum & placaret iram Dei. Concludit tandem: & hunc Iesu in carnem adventum Sociniani negant, cum cum non incarnatum, sed solum hominem ex Maria virgine natum scribunt. Vereor, ut errores, quos hic insat Ravensper, omnes enarrare, ne dum examinare possim. 1. Verba Iohannis non secundum veritatem græci textus citat, sed secundum vulgatam, quā vocant, vel alios, qui eam sequuntur. Verba enim græca sic cōvertēda sunt: *Omnis spiritus, qui nō confitetur Iesum (esse) Christū qui in carne venit, est enim, ἐν σορκὶ ἀνθυδόσῃ, ex Deo non est.* Differunt autem in Carne venire, & in Carnem venire. Nam qui in carne venit, cum tunc, cum venit, carnem habere præsupponitur. nam in eo, quod quis non habet, nemo venire potest: Qui vero in carnem venit, eum quidem antea extitisse præsupponitur, quam in carnem veniret, sed sine carne. Quod quia sentiunt adversarii, idē scripturam, quę sponte sua illis non favet, farentem sibi per summam vim, ne dicam scelus, facere conantur. Quæ una est ex artibus, spiritus illius maligni, quibus hodiè omnes ferē errores nituntur, nempe non opiniones ad sacras literas, sed literas sacras ad suas opiniones accommodare. Talis ars est

Quid sit Christi
personam negare
re.

Errores Ravens-
perg.

Vitiositas versio-
num in locis sin-
gularibus.

Ioh: 1. 14.

Heb: 2. 16.

Ioh: 8. 52.

**Non omnis error
Antichristū con-
ſtituit.**

**Non omnis, qui
Antichristī erro-
res quosdam fe-
quuntur, Antichri-
ſtus est.**

x. Ioh: 2. 2. 22.

z. Ioh: 5. 1. 5.

**Quid sit, In car-
ne venire.**

x. Cor 1. 23.

Thomas Naoge-
orgus.

illa: Verbum caro factum est, cùm legendum esset, Verbum caro fu-
it: Talis illa: Non enim angelos assumit, sed semen Abraham assumit.
cùm legendum esset necessariò, Assumit, assumit. Talis illa: Ante quā
Abraham fieret, ego sum, cùm legendum esset, Amen Amen dico vo-
bis priusquam Abraham fiat, ego sum. Sed laus est Deo, qui istas artes
nobis detexerit. Deinde istorum verborum ἐν σαρκὶ ἐλαλθότες
talis translatio, *In carnem venisse*, sensum Apostoli proflus pervertit.
Nam ex subiecto vel subjecti additione, facit prædicatum, quasi sci-
licet is sit spiritus Antichristi, qui negat, quod Iesu Christu in carne
venerit, quo nihil ineptius dici potest. Constat enim, posse aliquem
confiteri, quod Iesu Christu in carnem venerit, & tamen esse Anti-
christus, etiamsi tandem verum esset, in carnem venisse, esse, Incarna-
tum esse. Nam confessio incarnationis Christi efficere non potest, ut
aliquis non sit Antichristi spiritu infectus. cùm multa alia esse possint,
ob quæ verè & propriè spiritus Antichristi accusari quis possit. Non o-
mnis enim error Antichristum constituit, sed is deum, qui vel san-
ctissimā Christi religionem vel fidem in ipsum tollit: quales in Papatu
omnes videm⁹, & propterea etiam fugimus. Quamvis rursus non ne-
cessē sit, Antichristum tales tantum errores spargere. Potest enim ali-
is etiam erroribus implicatus esse, is, qui spiritum habet Antichristi,
ob quos tamen errores non est Antichristus, sed simpliciter in errore
verfans dici potest. Breviter: Aliud est, habere errores, qui Antichri-
stum constituunt, & errores Antichristi habere. possunt enim & alii,
qui non sunt Antichristi, Antichristi tamen errores sectari, & hoc ho-
die fieri, nimis abūde experimur. Verba autem Iohannis ita sunt acci-
pienda, ut subiectū sit Iesu, prædicatū Christus, verba vero, Qui in car-
ne venit, descriptio sint subjecti. Vnde etiam alibi simpliciter dicitur:
Quis est mendax, nisi is qui negat, quod Iesu non est Christus, & Antichri-
stus is esse dicitur: & iterum ait: Omnis qui credit, quod Iesu est Christus,
ex Deo natus est: & iterum: Quis est qui vincit mundum, nisi is qui credit,
quod Iesu est Christus. Sensus autem verborum, Qui in carne venit, est,
qui carne circundatus venit, hoc est, qui variis calamitatibus & ipsi
morti obnoxius fuit, & tandem mortuus est. Ideo enim ab initio le-
sum esse Christū negasse male feriatos homines, qui avaritiis afflictionib-
us obnoxius & morte truculenta extinctus fuisse, Paulus testatur, dū
ait, Iesum crucifixū, Iudeis scandalum, Græcis stultitiam fuisse. Ita ut isti
impostores, non negarent, Iesum in carne venisse: imò propter hoc i-
psum, quod scirent eum in carne venisse, Christum esse negabant. Et
hunc esse horum verborum sensum, vident etiam quidam Evangelicus
Thomas Naogeorgus, qui commentariū super hanc Epistolā scripsit.

2. Bis Ravenspergerus ait, Iesum in carnem vénisse, semel verba Iohannis & iterum suam explicationem recitando, tertio verò ait, Iesum in carne venisse, quæ inconstantia allegationis, quidnam sapiat, judicet cordatus lector. Sed hoc leviusculum est. 3. Quænám istæ audacia est, verborum Iohannis, Iesus venit in carnem, talem afferre explicationem, non in concione ad populum, sed in disputatione cum aduersariis: *Verus aeterni Patris Filius, idemq; verus Deus, homo est factus, non mutatione divinitatis, sed assumptione humanitatis, ut in humana natura fieret victima expiaretq; peccatum, & placaret iram Dei?* Num idem est Iesus quod verus, nempe natura, Deus? Num idem caro, quod homo? Num idem in carne venire, quod incarnari? Num possibile est Deum hominem fieri posse? Num humanitas sine personahumana assumi potest? Num Deus, in natura licet humana, victima fieri potest? Num quivictima, sit, placat iram Dei? Num deniq; ira Dei placatione, in salute nostra, ulla unquam opus fuit? Pudeat istarum naniarum & affaniarum omnes eos, qui soli ferè sibi sapere videntur, & alios tām superciliosè condemnāt, quos erroris convincere nequeunt,

Divinitati Christi Cerinthum & Ebionem tempore Apostoli se se opposuisse, & postea Arrium, quod porrò scribit Ravensp., quam i. neptè dicatur, docuimus in responsione ad thesin Schopperi 43. Nos verò eidem nos hodie opponere, quām falsum sit, indies, Deo juvante, rectius constabit. Verā enim Christi divinitatē sartam teatam colimus, & vitā nostrā chariorem habemus: opinionem verò hominū, de divinitate Christi, extra & contra sacras scripturas conceptā, quia opugnamus, homines, ut calumnia speciem verihabent, opinionem suam pro Christi vera divinitate venditant, & eam oppugnari clamant.

In eo verò, quod nos non longè abesse a negatione Christi universali, & proinde tanquā periculosos & perniciosos Christi hostes sedulo cavendos, ait, idq; illorū testimonio cōprobat, qui si inter duo mala unum sit eligendū, cum superstitionis Papistis, quām pestiferis Socinianis vivere malint, oratorem agit Ravensp. & disputare desinit. Nos verò Ravenspergerum graviter errare & peccare etiam dicimus, dum talia in nos effutit, & nulla ratione probat. Addimus etiam, illum, si sapui set, prorsus debuisse a recitanda quorundam sententia ista abstinere. Nam si eam improbat, cur ad rem tantam probandam affert? Si probat, quid pietatis ea in re sit, ipsem et consideret. Nos esse pestiferos, adhuc controversum est: Papistas verò, esse non tantum superstitiones (ut isti boni viri, malum extenuādo, dicunt) sed etiam Idolatras, jam omnibus, qui a Papatu discesserunt, innotuit. Hem quo studium detrahendi aliis, quos superare rationibus non possis, homines in cautos deducat?

*Erreores Rabent
sperr.*

*Immaturus zelus
adversariorum.*

Sed jam tandem, harum elegantium præmissarum, elegantem audiamus conclusionem: *Quicquid homines reddit mendaces & Dei Patris ac Filii ejus hostes, id etiam salutis viam prorsus obscurat & impedit.* Atqui Trinitatis negatio homines mendaces reddit, & Dei Patris ac Filii ejus hostes. Ergo. In Majori, nisi vox mendaces accipiatur pro talibus mendacibus, quales Iohannes describit, fallaciā inesse dicimus manifestissimam. Nam non omne, quod hominem facit ita mendacem, ut tantum erret, æternam salutis viam prorsus obscurat. Audiamus probationem Minoris: *Quia, inquit, Trinitatis personarum negatio, introducit Deitatis Iesu Christi, & satisfactionis (quod Ravensp. addit) ejus negationem.* At negatio Deitatis Christi est ipsius Christi negatio, ut supra &c. Sed quis non videt crassam petitionis principii fallaciā in hac Ravensperg. argumentatione? Nam pro Deitate Christi accipit id, quod ipse cum suis de ea sentit. Quam opinionem falsam, absurdam, & sibi contradicentem, sacris literis & sanæ rationi repugnantem, nos non tantum asserimus, sed firmissimis argumentis demonstramus. Videat igitur Ravensp., quomodo tanti nos sceleris convicerit, cuius nos insimulare non erubuit: Consideret etiam, quo jure in ipsum retorqueri argumentum possit, si par pari referre propositionem nobis esset. Vix enim inter omnia dogmata, quæ adhuc inter Evangelicos (quos vocant) vigent, ullum magis viam salutis æternæ obscurat, quam dogma Trinitatis, qualem fingit Ravensp., & dogma illud satisfactionis Christi.

Monitio porrò, quam vult Ravensp., ne omnes, qui Trinitatem ipsius negant, damnentur, cum fieri possit, ut eam iterum confiteantur, sapit aliquid sobrietatis & modestiæ, sed scientiæ habet non multum. Vnde enim hoc didicit, eum servatum iri, qui Trinitatem in ipsius confiteatur? Cùm nemo non videat, posse istam opinionem sine vera in Deum & Christum fide, ut & veram in Deum & Christum fidem sine ista opinione consistere.

Sed adhuc plura pronunciat, de iis, qui Trinitatem (quam ille somniat) hostiliter oppugnant: *Si contra conscientiae testimonium, vel scientes illud faciant, merito, ait, de illis dubitari, nec tamen plane, nisi de commissio in Spiritum S. peccato (cujus forma magis intus lateat, quam foris patet) constet, desperari.* De alteris judicium Deo relinquendum. In summa ait: *Causam istam sive errorem, suâ naturâ ad gehennam semper edificare: personam aliquando Dei gratiâ adjutam, errorem respuerre, & damnationem errori debitam effugere.* At hoc totum nihil esse, quivis perspicere potest, nisi constet dogma Trinitatis, quale sectatur Ravensp., verum esse. Verum autem esse non potest, quia nec in sacris literis

Fallacia Ravensp.
perg.

Opinatio de Tri-
nitate non servat
per se.

Cur dogma Tri-
nitatis verum es-
se nequeat.

literis continetur, nec ex iis deduci potest, nec rationi deniq; sanx congruit. Proinde idem etiam nos de illis, qui dogma Trinitatis, contra veritatem manifestissimam de uno Deo, qui Pater solus est, & Iesu Christo, qui filius Dei ex virgine Maria natus est, & Spiritu S., qui virtus Dei est, defendere pergunt, & veritatis hujus sacrosanctæ professores odio prosequuntur, &, quantum in illis est, vitâ etiam privatos vellent, dicere & summo jure possemus, si, cum Ravensp. extra oleas vagari, & loco disputationis, paræneticis vel decretoriis orationibus certare vellemus. Deum oramus, ut vel veritatem hominibus patefaciat, vel mentem saltem eis magis sobriam largiatur, ut neminem, qui fide in Iesum Christum vera prædictus est, condemnare unquam præsumante.

De Majestate Mysterii Trinitatis disserturus Ravensp: thesi 4. ait, *eam tantam esse, ut non sit comprehensibile, sed credibile: non effabile, sed admirabile: non per naturam inditum, sed per gratiam revelatum, & quidem quo ad τὸ ὄτι non quoad τὸ διότι. Naturæ verò non tam repugnare, quam eam superare.* Respondeo. Vnum tantum petimus, ut doceatur, esse revelatum. Tunc enim nos statim illud approbamus: Si verò revelatum non sit, ut incomprehensibile & ineffabile, ita falsum & ridiculum illud repudiare nobis licere, nemo puto, diffitebitur. Nam ubi ratio definit, ibi, revelatio incipiat, necessè est. Si verò nec revelatio nec ratio aliquid suadeant, procul omni dubio pro eratore illud censendum est.

Sed Ravensperg: nos detinet, & vult priùs docere, esse incomprehensibile, eo quod Seraphin a pud Esaiam duabus alis facies suas texerint. O acutam probationem. Si Apostolus esset Ravensperg:, satis multa a nobis requereret. Alis facies tegunt angelii: Ergo tegunt eas coram Trinitate. Quid si dicamus, ideo alis duabus facies suas texisse Seraphin, quia Dei illius unius, qui Pater est, majestatem aspicere omnnes non valeant, quid h̄c absurdum esset? Certè enim ex ista facie i tectione, tantum majestas illius, quem viderunt, colligitur: Qui verò hinc, quod, quem viderunt, sit Trinus in personis, unus essentiā, colligere velit, ei medicamentis opus est. Omiseros eos, quos talibus conjecturis fidem suam superstruere oportet. Hinc porrò constat, quam sint frivole tres sequentes illationes Ravensp.: Prima enim, dum ait, *impossibilem esse conatum eorum, qui personarum Trinitatem in unitate essentiæ, non modò ex graticosa Spiritus sancti patefactione, sed naturali etiam raciotinatione evincere & docere nituntur, pro nobis militat, contra Ravensperg: socios, qui s̄pē, desperatione adacti, ad Ethnicorum*

Vnde veritas rei
in religione pe-
tenda.

*Argumentum
Ravensperg: in-
firmum.*

thnicorum deliria confugiunt, & eadem, quæ ipsimet profitentur, ab illis etiam tradita fuisse, imperite objiciunt.

Quanquam in eo iterum cum illis facit Ravensp: & ad ingeniumredit, dum ait, sententiam Ethnicorum ex præsa Hebreorum doctrinæ & puræ religionis reliquiis manæ: Quomodo verò ex præsa Hebræorum doctrina manare potuit, quod prudentissimi Hebræorum tanquam falsum repudiant, & quod plerique inter Christianos Theologí, adeoque ipse Ravensperg:, paulò infra præcis Hebræis incognitum fuisse concedunt? Hujusmodi contradictionum memorem esse oportet eum, qui alios docendi & dammandi sibi sumit licentiam.

Altera illatio est, quod effrenata sit eorum audacia, qui in stupendam illam abyssum temere irrumunt, & spinosis suis argutiis nihil intactum atque intentatum relinquent, & sensuros hos curiosos, scrutatores (non scripturæ Ioh: 5. 39. sed) Majestatis tandem a gloria opprimi. Sed haec verba sunt, & terriculamenta puerilia, quæ viri non exhorrescant, qui argumenta semper habent parata, quibus errorem, quantumvis antiquitate quadam confirmatum, infirmare possunt. Scrutatores scripturæ, quinam sint, dies docebit. Scrutatores Majestatis eos esse, qui credunt, Deum, ut unus est essentiâ, sic etiam personâ unum esse, nemo nisi affectu animi excœcatus unquam dicet. Hæc enim est ita simplex confessio, & ad omnium captum accommodata, ut nulla scrutatione indigeat: Qui verò, in simplicissima & numero una Dei essentia, trinitatem personarum statuunt, an hi potius Majestatem scrutentur, quam scripturas, penes lectorem judicium esto.

Tertia illatio Socinum petit, qui docet firmissimè, doctrinam Trinitatis ideo etiam falsam esse, quod pugnet inter se, Deum esse numero unum, & tamen tres esse, quorum unus quisque sit ille Deus unus; & addit, si dicatur, unum esse numero, sed ratione essentiæ, trium verò ratione personarum, rursus hic contraria dici. cùm tres vel etiam duas personæ esse nequeant, ubi est una tantum numero sive individua essentia: sed ad plures unâ personas constituendas, plures etiam unâ individuas essentias requiri. Hanc Socini invictam argumentationem, indignam Theologo vocem appellat Ravensperg:, & addit, Neminem tam esse stolidum, qui non lubricam hanc demonstrationem animadverteret, quâ ex sensu communi refutaturus sit id, quod omnem sensum humanum longissimè superat; argutias cerebri illius non imperaturas doctrinæ verbi Dei: sufficere sibi, mysterium illud ex scripturis cognitum humili fide & pietate adorare, curiosam & furiosam temeritatem scrutandi omnia, quæ sibi Deus reservavit, vitare. Sed sufficient tandem verba Ravenspergere. Id quod rationem superat, ratione evincere vel-

Quis dici debet
scrutator maje-
statis.

Cere velle, verè cum ratione insanire est: At docere, verum non esse in Theologia, quod rationis sit contrarium, verè & secundūm Deum est ratiocinari. Hoc facit Socinus, illud verò nec cogitavit unquam. Doceatur igitur, non esse contra rationem, id quod impugnatur, & doceatur, vel rationibus, vel saltē scripturæ testimoniis, & nos manus protinus dabimus: At istæ cavillationes & aniles fugillationes homine cordato, nedum Theologo, prorsus indignæ sunt.

Denique quod allegorizans, Socinum similem esse, ait, tribuno illi, cuius manu Rex Israël nitebatur, qui cùm Elischach in durissima obsidione Schomronis subitam & maximam prædiceret abundantiam, dicebat: *Ecce si Iehova faceret cataractas in cælis, an posset esse res ista: se verò similem Elischach, qui respondit: Ecce tu visurus es oculis tuis, sed ex eo non es esurus;* & idem se nobis respondere, quod exp̄erturi simus tandem in universali & solenni judicio Iesum Christum verum & eternum cum Patre & spiritu sancto esse Deum, quod majestatem SS. Trinitatis mente incomprehensibile & lingua ineffabilem exaudituri simus, sed nec asperetu ejus beato fruituri, nec mansiones cælestes ingredi nobis datum iri. Se cum Abraham verbis Iehovæ credere, non dubitantem, id sibi ad justitiam imputatum iri; se ea quæ Deus de se in suo verbo testatus est, humili fide assumere, nec id quod cerebro humano impossibile videtur, illico rideare, ut Sara, in eo, quomodo suæ autoritati Doctorali, præsertim ubi disputandum est, consulat, nolo nunc exponere. Veritati quomodo patrocinetur, uno verbo doceo: Doceat Ravensperg: prophetam aliquem vel Christum id dixisse, quod sentit ipse de Trinitate, quemadmodum docet, prophetam olim prædixisse istam abundantiam, & nos id statim credemus, nec unquam id ridebimus. Hoc verò si facere nequeat, & dogma illud tum a sacris literis tum a vera ratione destitutum deinceps esse appareat, quid speret amplius, quam ut ex animis hominum piorum exterminatum, perpetuo risu dignum habeatur?

Sed nunc veritatem Mysterii hujus audiamus. Primum ait thesi 7. hanc doctrinam subobscure priscæ Iudæorum Ecclesiæ fuisse traditam: se tamen posse, eam, non tantum pluralitate personarum indeterminatam, sed etiam numero ternario determinatam firmiter ex veteri Testamento concludere. Sinamus nunc ista, quæ refert, nescio unde, Ravensp: quod Iudæi nunquam sint confessi tres personas, sed unum tantum creatorem Deum. Hoc enim ita manifestum est, ut multi Theologi id ipsum disertè fateantur. Demus, nos teneri ea credere de Dei etiam essentia, quæ Iudæis non erant revelata. Probetur tantum, istud mysterium in veteri Fædere non fuisse ignotum: nunc verò esse revelatum.

Nihil rationi cōtrarium in reli-
gione.

Puerilis diffi-
candi Ra-
vensper-
ratio.

Prius igitur probat locis, Genes: 1. 26. & 3. 22. & 11. 7. & 19. 24. Exod: 20. 2. Deut: 5. 12. Hos: 1. 4, 7. Zach: 3. 2. Vis ratiocinatis est 1. quod Deus de se in plurali numero loquatur. 2. quod pluribus, quam uni nomen Iehovae tribuatur. Ad prius argumentum respondimus, in superiori disputatione adversus Schopperum prolixè, quo lectorem benevolum remittimus: Ad alterum in hoc ipso scripto paulò superius. Summa est. Locutio de Deo in numero plurali, personarum in Deo pluralitatem non infert. Extant enim exempla plurima in omnibus linguis, ubi homines, præsertim penes quos est aliqua potestas, de se solis loquentes, plurali numero utantur. Nomen Iehovae Spiritui S. nusquam tribuitur: sed id, quod semel Iehovae tribuitur, id iterum Spiritui S. tributum esse concedi potest, quia Spiritus S. sit Dei virtus. De Christo idem nomen aut non legitur diserte: aut si tamen legi quis contendat, ideo id ei tributum esse dici potest, quia personam Iehovae sustineat. quemadmodum etiam Angelis id ideo tributum esse constat.

Cæterum cum parum esse videret Ravensp. pluralitatem personarum affirmare, nisi etiam Trinitas ostendatur, cum non omnis pluralitas sit Trinitas, probat id etiam ex loco Es. 6. ubi ter dicitur, Sanctus, Sanctus, Sanctus. Sed quam hoc sit frivolum, ostendimus in responsione ad thesin Schopperi 29. Verba etiam sequentia Esaiae: *Quem misurus sum, & quis iterus est nobis*, partim huc non faciunt. nunc enim Trinitas, non pluralitas personarum probanda erat: partim in eadem responsione nostra ad th. 23. explicata sunt. Argumentum deniq; ex eo dictum, quod haec verba de Deo Patre dicta, ad Filium accommodentur, Ioh. 12, 41. & de Spiritu S. dicatur, quod per Prophetam Esaiam haec verba dixerit, quam sit infirmum, supra in hac responsione nostra abunde demonstratum est. Vetusorum quorundam exemplarium, quæ alijs se producturum Ravensp. pollicetur, in quibus habetur, Sanctus pater, Sanctus filius, Sanctus Spiritus S., autoritas & fides penes lectorē esto. Evidem falsissimō de illo gloriari Ravenspergerum, persuassimum hactenus habeo. Cur enim nunc istud non ostendisset, cum de Trinitate ex professo (ut sic loquar) disputatur? Et si illud ostendi nequeat, cogitet Ravensp., quid de eo eruditī omnes sint cogitaturi deinceps.

Audiamus quomodo ex novo Testamento mysterium Trinitatis clarissimè ostendere conetur Ravensp. Adducit loca Matth. 3, 32, 33, 34, & 28, 19. 2 Cor. 13, ult. & Ioh. 5, 7. Ad hæc loca respondimus sufficienter in superioribus. Videatur responsio ad thesin Schop. 31, 32, 33, 34, 35, 36, 37. Vnde etiam peti poterit refutatio corum, quæ deinceps Ravensp. opponere

mani, ac ita jam illa ipsa secunda persona Trinitatis, quæ fuit offensa, etiam facta est reconciliatrix, per quam tota Trinitas est reconciliata. Vide D. Philippum in libello de controversia Spancari. Risum mihi & indignationem movit Schopperus hac ultima sua responsione. Quis enim non rideat istud consilium S. Trinitatis, de quo ne minima in sacris literis mentio? Quis porro non indigetur, ista tam audacter effundere eos, qui solo verbo Dei, omnia, quæ ad salutem pertinent, demoustrari posse, haec tenus contra Pontificios tam constanter ursurunt? Nonne hac disputatione probandum sumisit Schopperus, quod Christus Deitatem, nempe naturalem, habeat? Cur igitur, ac si id extra controversiam & a nobis approbatum esset, hoc ipso nos retundit, & objectiones diluit? Nonne a nobis negatur istud bellum commentum de reconciliatione Dei? Nonne disertissimis sacrarum literarum verbis docemus, Deum propitium fuisse humano generi, priusquam Christus in mundum veniret? Nonne docemus, Christum mediatorem inter Deum & nos constituedum fuisse, etiamsi peccatum humani generis nullum intercessisset? nam ante constitutionem mundi Deus nos in Christo elegit? De Spiritu vero S. reconciliato nonne est putidū commentum? Quorsum igitur ista aniles nugae de consilio Trinitatis, ut media persona fieret mediator humano generis, & totam Trinitatem reconciliaret, tam importunè obrudunt?

Gratias agit uni & Trino Deo Schopperus, quod se salvivisica sus agnitione illuminavit, & ex parte jure eum id facere confitemur. Sed quid putat nos facere, dum istos tam crassos errores, & eorum tam pueriles defensiones audimus? Ex animo, Deo uni, Patri nostro, & Iesu Christo, uni Domino nostro supplices, quantas possimus maximas, agimus gratias, quod ex ipsis absurdis, ridiculis, scipios destruentibus & perniciosis erroribus nos cruere dignatus sit. Rogat eundem Deum Schopperus, ut se in eadem agnitione sui usque ad finem conservet: Ego vero Deum illum unum verum, patrem nostrum, & Iesum Christum filium ejus, Dominum nostrum, pro ipso humili terro, ut extantis eum & omnines alios, qui Evangelicorum titulo gaudent, tenebris clementer eripiati. Interim tamen, si nihil per malitiam a nobis hac in re fiat, & vere pietatis studiū inter nos vigeat, spero, imo certò persuasum habeo, nos non tantum in hac, sed etiam in altera beata vita, Deum cum sanctis angelis concelebraturos, cantantes, non tantum uni Deo: Sancto, Sancto, Sanctus Dominus Zebaoth. hæc enim est vetus cantio, hoc est, vetus Deum celebrandi modus, sed etiam Sanctus, Sanctus, Sanctus Dominus noster Iesus Christus, quæ est nova cantio. Sedenti in Throno, & Agno, honor, laus, & benedictio in secula seculorum, Amen.

Refutatio responsionis.

Animus auctoris erga Schopperum.

Ad Demitrovitium Lithuanum.

Demitrovitii er-

ror.

16

Non erat Demitroviti, quod ad theses Schopperi istâ tuâ oratiunculâ applauderes, nisi forte, ut chartas vacuas suppleres. Temeritatem appellas, velle Essentiam Dei perscrutari. In hoc verò Schopperum perstringis. Nam qui Deum unum essentiâ & personâ esse credit, is nihil, quod non sit notissimum, & ad captum omnium accommodatissimum omnibus, fatetur: Qui verò essentiam numericam ita unam statuit, ut tribus personis communis sit, is ea vult perscrutari, quæ, ut vera non sunt, sic vera esse nullo modo possunt, & hominibus vult persuadere, ut cum ratione insaniant. Inter alios Arium, circa negotium S. Trinitatis gravissimè lapsum esse affiras. Hoc, si de doctrina de Patre Filio & Spiritu sancto intelligis, verum quidem est, ut in responsione ad theses docui: Sed si de dogmate Trinitatis, quale vos jam sectamini, id accipias, quām graviter ipse erres, credo te intellegeturum, si, quæ ea de re ibidem scripsi, diligenter perpenderis.

Demitrovitii animi
non Christiani
argumenta. 1.

Servetum meritò crematum esse asseris. Ergo & vestros meritò mille mortibus multant Pontificii. Tam enim blasphemati estis apud illos, quām erat Servetus apud vos. Egregii verò Spiritus Christi fructus, & acuta, scilicet, charitas, quæ lex est *Bαθύτερος*, regis fratres errantes imponere. Gentili de ejectione ex Polonia insultas. Quasi, ob veritatem exilio multari, non sit gloriosum, & idem etiam vestris alibi non acciderit? Gentilis ante signanos facis, Fran: Davidis, Lælium Socinum, F. Stancarum, Petrum Statorium, Faustum Socinū (quæ & Lælii filium facis, cùm is patruus illius esset, pater verò Alexander) Ostorodium, me, Licinium & alios. At horum quidam, Gentilijam e vivis sublato, demum inclarerunt, quidam post ejus obitum nati demum fuerunt, & ab istiusmodi probrosis vocibus, quibus gentilem usum fuisse quereris, prorsus abhorrent, ut ex responsione mea percipere potes. Quomodo igitur Gentilis antesignani dici possunt?

Demitrovitii inmode-
ria.

Omnis deniq; modò nominatos, monstrosa capita, pro tua modestia, appellas, quorum eruditioñem & pietatē, dum in vivis essent, mirabatur ii, qui eos norant, & mirabitur multò magis futura ætas, ut potest quæ de rebus semper rectius judicat quām præsens: Qui verò vivunt, ii id unicè agunt, ut secundum Christi Evangelium sapient & vivant. Hoc verò qui faciunt, illi a monstrosis opinionibus semper tuti futuri sunt. Itaq; monere te fraternè volui, ne per alienam infamiam tuam quæreres gloriam: sed si, quod nos sentimus, recipere nondum potes, idē tibi evenire posse, quod nobis evénit, qui non minùs quām tu, sentiētæ istius de Trinitate vestra, sanguine etiam nostro confirmādi, ardore olim tenebamur, crederes; & quia servus tantum Domini es,

Adhortatio ad
Demitrovitii fraterna.

REFUTATIO

Eorum, quæ ad hanc materiam pertinentia, præter ea, quæ
*D. Schoppero dicta sunt, attulit contra nos HERMANUS
 RAVENSPERGERUS S. T. Doctor & Professor in
 Schola Benthemensi.*

Omissis aliis parum rectè dictis in thesibus & exegesis illius, quæ, si examinare omnia voluissimus, liturâ inducenda ferè fuissent omnia, in ea tantum breviter animadvertemus, quæ ad probandam contra nos Christi fictitiam divinitatem, vel tres divinitatis personas afferuntur.

1. Est, quod fol. 2. in exegesi thesi I. ait, verba Christi, Ioh. 17. v. 3. ita legi posse: *Hec est vita æterna, ut cognoscant te & quem misisti Iesum Christum, esse solum illum verum Deum, idq; ideo, quod v. 5. dicatur, Christum habuisse gloriam apud Patrem, antequam mundus esset. Hoc quām futile sit, docuimus in responsione ad scriptum Ravenspergeri, Vnum par Sophismatum Socinianum &c.*

2. Quod si, ita legantur, ut legi debent, & nos ea legimus, decipi nos ait fallaciâ non causæ ut causæ. Veram enim causam non esse, quod tamen sit una persona in essentia Dei, nempe patris: sed quod ad vitam æternam consequendam, nō sufficiat, separati cognoscere naturam Dei in essentiâ unitate & personarum trinitate, sed necessum sit conjunctim scire, quis & qualis sit Deus, quis item & qualis sit Christus, quorum postremum priori inseparabiliter cohæreat &c. Cū igitur dicitur *Solus*, distinctione ista non opponi Categorematicè personam unam alteri, quæ essentia divina communicet: sed Deum solum verum, omnibus falsis & fictitiis, qui veri non sunt, sed falso dicuntur dii, syncategorematicè opponi. Id verò ex eo, ait, perspici, quod Christus non simpliciter dixit *solum Deum*, sed *solum verum*, ut falsos omnes excluderet. Ad Patris autem personam si illud restingeretur, profectò concludi, Christū non esse verum Deum, contra verba Scripturæ, Ioh. 5. ¶ *vult*. Hic primùm Ravensp. rogatum velim, quod etiam a D. Gravero petii, ut paulò attentiùs secum cogitet, quid, ex mente Aristotelis, sit fallacia non causæ ut causæ. Procul enim dubio intelliget, paulò aliter rem se habere, quām hæc ipsius verba produnt. Et hoc non tam meā quām Ravenspergeri causâ rogo, ne ab aduersario malevolo eain re carpatur & exagitetur. Deinde verò dico, verum quidem esse, ex Christi verbis apparere, quod non sufficiat ad vitam æternam cognitione Dei, sed neesse sit conjunctim scire, tum quis &

De fallacia non
causæ ut causæ.

In quo consistat
cognitio Dei.

qualis sit Deus, tum quis & qualis sit Christus: sed falsissimum vel saltētē nimis controversum est, cognitionem Dei consistere in cognitiōne naturae ejus, in essentiā unitate, & personarum Trinitate, quod ait Ravensper. Hęc enim personarum Trinitas ex nullo sacrarum literarū testimonio, vel justa ratione probari ullo modo potest. Simile huic illud est, quod, cūm dicitur *solus*, non opponatur persona una alteri, quae essentiā divinā communicet. Quasi scilicet jam constet p lures unā personas esse, quibus essentia divina competit, quo vix aliquid falsius excogitari potest. Cūm essentia divina numero sit una. Communicare autem illud, unitatem numericam prorsus tollat. Hoc modo alii nobiscum disputant, qui vel modum disputandi non intelligūt, vel sola nos autoritate humana premunt, quorum utrumq; a Ravensp. abesse debet quam longissimè, tum ob eruditionem, tum ob professiōnem ipsius.

Vox *Solus eūi*
opponi possit.

¶ Ioh. 5.7

Christus ad cul-
tum divinum
pertinet.

Vocem porrò *solum* opponi diis falsis, nihil juvat Ravensperg. Potest enim suo modo etiam Christo opponi, cūm certo certius sit, Christum, etiamsi sit verus Deus, non esse tamen illum verum Deum, ut Christus de patre suo, articulo ad vocem ἀληθινὸν addito, ait; nec verum illum Deum uspiam scripture Christum appellat. Quod enim ex Iohanne affertur, id quām sit infirmum, imò falsum, docuiimus in responsione ad thesin Schopperi 55.

Sed habet quædam nova Ravensp. quæ operæ pretium erit examinare. 1. est, dum ait: *Si nec filius verus Deus esset, debebat & de illo admonere, ne pro vero Deo adoretur.* Hęc ratio calva est, & causam Ravensp. evertit. Calva est, Quia non est ita contrarius Christus, & cultus quī ei debetur, Deo & cultui ejus, ut sunt idola: imò in cultu & adoratione Christi, continetur cultus divinus, quemadmodum in fide, quae Christo tribuitur, fides in Deum collocanda continetur, teste ipso Christo, Ioh. 12. v. 44. adeo, ut etiamsi diversi sint essentiā Christus & Deus, pro uno tamen Deo haberi suo modo possint. Causam Ravensp. destruit. Nam si Iohannes monere debuit de Christo, appareat, eum non appellasse Christum verum illum Deum. Nam si appellasset, quorsum opus fuisset admonitione, cūm verus Deus opponatur Iodilis. 2. est, quod pronomen *Hic* negat in hoc loco ad remotius referendum esse, idq; confirmare ait tum rationes sequentes, tum quid primarium, imò unicum versiculi illius 20 subjectum sit, Filius Dei Christus, de quo reliqua omnia prædicari certum sit. Hęc obscuritatem & perplexitatem verborum Ravensp. accuso. Nam duo videtur afferre velle, ob quae vox *hic* non possit ad remotius referri, quorum alterum sint sequentes rationes, alterum, quod hic recenset & alia sequentia

Obscuritas Ra-
vensberg:

quentia duo, de quibus mox agemus. Iam si hæc tria quæ recenset, sunt istæ rationes, quomodo rationes ab ipsis tribus separantur, vocibus, tum, tum? Si non sunt hæc tria, quæ recenset, rationes istæ sequentes, ubi nám sunt, præter hæc tria, rationes aliquæ? Sed videamus hæc tria, sive sint ipsæ rationes, quas sequentes Ravensp. vocat, sive non. Respondeo ad primum. Nihil ad causam Ravensp. juvandam elici potest, etiam si primarium vel unicum v. 20. subiectum sit Iesus Christus, si non constet, eum h̄ic verum Deum appellari. Eatenus enim subiectū illius versiculi est Christus, quatenus venit, & mentem nobis dedit, ut cognosceremus verum illum Deum, & quatenus sumus in illo vero, per ipsum Christum filium ejus. Hæc verò omnia non permitunt ullo modo, ut Christus sit verus ille Deus. Alium enim esse oportet filium Dei illius veri; alium item qui venit & dedit nobis mentem, ut cognosceremus illum verum Deum; alium deniq; per quē sumus in illo vero, ab ipso vero Deo, cùm nemo sui ipsius filius sit; nec aliud Deum Christus cognoscendum nobis de derit, quam patrem suum; nec deniq; in alio Deo simus, per filium ejus Iesum Christum, quam in patre. 2. Ratio Ravensperg: est, *Quod supervacanea esset assertio, si de Deo Pa- tre intelligeretur. Dixerat enim Iesum dedisse nobis mentem, ut cognosca- mus verum illum Deum, cur nunc subjiceret, Hic est verus Deus?* Sed pri- mūm quid usitatius est Iohanni, quam eandem rem iterare, & inter- dum fere iisdem verbis? Deinde non prorsus eadem sunt, quæ dicit Iohannes. Prīus enim simpliciter dixerat, Filium Dei venisse, & dedi- senobis menteim, ut cognosceremus Deum illum verum; dixerat etiam nos esse in illo vero, in filio ejus, hoc est, per filium ejus Iesum Christum: Deinde verò illud, quod semel nudè dixerat, confirmare i- sta iteratione voluit, & creditibus probè inculcare, ut scirent, hunc, quem filius Dei annunciat, & in quo illi erant, hoc est, cuius popu- lis effecti fuerant, hunc, inquam, & neminem alium, esse verum illum Deum, adeo que vitam æternam, quod antea dictum nō fuerat, & pro- inde ab aliis falsis diis cavendum esse. Denique, quinam sensus horum verborum aliis etiam esse possit, docuimus in iam dicta responsione ad theses Schopperi, qui si verus est, ut certè videtur, agnoscet Raven- sperg: hanc suam rationem nullius prorsus esse momenti. 3. Ratio est. *Quia verba sequentia, & vita æterna, juxta perpetuum Iohannis loquendi modum, de Christo accipienda, ¶ 11, 12, 13, & cap: 1, 1, 2. sic ut optimè finis Epistolæ initio respondeat. Ergo & antecedentia, quæ immediate cum sequentibus cohærent, de eodem intelligenda.* At hæc ratio infirmis- sima est. Quid enim impedit, quominus verba ultima, *Vita æterna de Deo patre intelligantur*, cùm is sit causa illius prima? vel quo minus

Differentiā Chri-
stī a Deo patre.

Cur Iohannes
idem repeatat.

conjunctione de utroque dicatur: *Hic est verus Deus & vita æterna*, quatenus, qui cognoscit Christi Patrem & ipsum Christum, habet & illum verum Deum & vitam æternam. Quanquam etiam nihil est, quod cogat, verba Iohannis cap: 1. i. de ipsa Christi persona intelligenda esse, cum aptissime de ipso Evangelio vel in eo contenta felicitate intelligi possint. de cuius perfecta cognitione in illis, figura-
to quidem sed valde emphatico modo, D. Iohannes agat, quod præter alia articulus neutrius generis, quod, quinques positus, unumquemque docere potest, qui locum diligenter inspexerit. Sed non est nunc de eo differendi locus.

Quæ in th: 2. dicuntur, Deum esse spiritum unum & trinum, quām sa sint, ex sequentibus constabit. Quām recte in exegesi natura ab es-
tentia distinguatur: quām recte, species bonitatis in Deo, sapientia
constituatur, judicent eruditii, quibus veritas divina cordi est. Imò,
quod ad prius attinet, videat ipse met Ravenspergerus, quomodo si-
bi constet, qui in 4. theſi exegesi dicit, vocem Græcam θεότης, natu-
ram sive essentiam significare.

Quæ in exegesi theſi 4. differit de vocibus, quibus in explicandi dogmate Trinitatis, qualem ipsimet confinxerunt, utuntur adver-
ſarii, ea scrupulosè non examinamus. res enim magis quām verba
curamus: Non possumus autem non reprehendere, quod, dum nos re-
bus ipsis, si probentur, contenti sumus, voces etiam se probare pos-
se adversarii confidant, quod tamen nunquam præstabunt, ut alii insi-
gnes Theologi confitentur.

Quām falsa sit theſis quinta, quā affirmatur, non tantū Patrem,
sed etiam Filium & Spiritum sanctum esse verum, nempe naturā, &
perfectum Deum: & rursus horum trium esse eandem essentiam, &
eos esse unum tantum Ichovam, ex iis, quæ ad theſes Schopperi pro-
lixè respondimus, unicuique constabit. In hujus exegesi notandum
est, distinctionem illam, quā dicitur, nomen Dei sumi aut propriè aut
impropriè: impropriè rursus, tum nuncupativè, tum concessivè per
mimesin, parum accuratam ac rectam esse. Primum enim vox Dei nō
est propria, sed appellativa, ut loquuntur, & significat eum, qui divi-
nam habet potestate & imperium. Hoc verò quia Deus ille unus ha-
bet modo omnium excellentissimo, nempe naturā ex seipso, ideo
καὶ ἐξοχὴ sive per excellentiam vox Deus ita illi tribuitur, ac si ejus
propria esset. Deinde falsum est, vocem Dei concessivè per mimesin
tribui illis, qui nullam revera potestate divinam habent. Nec id lo-
co 1. Cor: 8. 6. probari potest. verba enim illa, *Etiam si sint, qui dicantur*
Dii, sive in cælo sive in terra, sicut sunt dii mulii & domini multi, non ex
gentium

gentium opinione, sed ex mente Apostoli dicta esse, alibi a nobis demonstratum est prolixè, in respōsione ad Monstra a Smiglio Iesuita conficta, & repetitum in responso nostro, quod edidimus ad scriptum Ravensp: cuius titulus est: *Vnum par Sophismatum*, &c. Porro falso est, impropriè illis nomen Dei competere, quibus competit per analogiam. Tam enim propriè illis competit, quām aliis, licet modo minùs excellenti; nec analogum proprio opponitur unquam, sed imperfecto. Quis dicat, exempli causâ, Reges impropriè imperare hominibus, Deum propriè? cūm tam reges, quām Deum propriè imperare nemo non videat? Denique parum est dicere, illis, quibus vox Dei competit per analogiam, competere eam nuncupativè. Nam quod per analogiam alicui competit, id re ipsa illi competit: quod verò nuncupativè, id re ipsa non potest competere. Restat igitur dicere, vocem Dei duplē tantum habere significationem: Et significare modò eum, qui ex se ipso potestatem divinam habet; modò eum, qui ab aliis eam habet secum communicatam.

Deinde in eadem exegesi Tritheitas refutaturus Ravensp: quædam dicit, quæ examine indigent. 1. est, quodd nomen Iehovæ sit nomen essentiale, & ita Dei proprium, ut præter Deum conveniat nemini. Ad hoc primùm legitur, quod in responsione ad *Vnum par sophismatum*, &c. ex Brentio de voce Iehova attulimus. Is enim aliter prorsus sentit, & eos accusat, qui ad essentiam Dei nomen illud referunt. Deinde observetur, attulisse quidem Ravensp: loca, in quibus nomen Iehova Deo tribuitur, sed nullum, in quo dicatur, quodd nomen illud solius Dei proprium sit. Taceo ineptiam conclusionis Ravensp: dum ait: *Nonne hinc clarissime docetur, Iehovæ nomen esse illius proprium, qui totum regit mundum, & perinde non convenire ulli creaturæ.* Iam enim cum Tritheitis illi res est, qui non creaturas esse illos asserunt, quibus præter Patrem nomen Iehovæ competit, sed Deos. Loco etiam Eze:42.8. vis quodammodo illata est ista interpretatione: Ego sum Iehova, hoc est nomen meum: & hanc gloriam meam alteri non dabo, & hanc laudem meam sculptilibus. Nec enim constat, gloriam, quam Deus alteri dare non vult, esse illud nomen Iehova: Sed duo dici videntur, nempe quod sit nomen Domini, & quid Dominus ille non facturus sit; & verba priora, *Ego sum Iehova, hoc est nomen meum*, attentionem quandam sequentibus parare videntur. Quanquam etiam si laus illa, quam Deus negat se daturum alteri, sit illud nomen Iehovæ, nihil hoc facit pro Ravensp. Posse enim nomen Dei essentiale etiam aliis tribui, qui Dei illius personam sustinent, notius est quām ut probatio egat.

Iehovæ nomen
non est essentia-
le, nec Dei pre-
mium,

Christo nomen
Iehovæ quatenus
competere possit.

Exod. 3.1.
Act. 7.80, 31, 33.

Spiritus S. nō ap-
pellatur Iehovæ.

Gal. 4. 30.
Heb. 12. 24.

Sed assumit Ravensp: Nomen illud Iehovæ Filio & Spiritui sancto simpliciter & propriè tribui. De Filio respondemus. 1. Etiam si illud fieret, hinc tamen non sequi, eum esse ipsum Iehovam, ob causam paulò antè allatam. Nam si de aliis, qui filio Dei multò sunt inferiores, legimus, eos nomen Iehovæ usurpare, quid mirabimur, si idem etiam de Christo dicatur? 2. Deinde illud factum esse, nondum probavit Ravensp: Nam quod assertur ex loco Es. 6. de ter repetita voce Sanctus, id quam futile sit ad hoc ostendendum, suprà in responsive ad th. 29. ostensum est. Quod verò hic additur, id confirmari loco Ioh. 12. 42. non minùs infirmum est. Ibi enim tantum dicitur, quod Esaias viderit gloriam illius, & locutus sit de illo. Potuit autem Esaias Christigloriam videre, ut futuram, & de eo loqui, ut futuro. Hoc enim Prophetarum est propriū. Potest etiam vox Eius & Eo non de Christo, sed de Deo intelligi, & referri ad remotius, non ad prius. Vide c. 9. 22. de voce Eū. Vnde etiam Robertus Stephanus legit expressè τὸ θεόν. De Spiritu verò sancto, illud idem dici Act. 28. 25. & captiosè dictū est, & ad rem nihil facit. Non enim ibi dicitur, Esaiam de Spiritu S. locutum esse, cùm ista verba protulit, quæ ibi habentur, quod probandum erat Ravensp: sed tantum dicitur, Spiritum S. locutū esse per Esaiam ista verba. Ex eo verò, quod Spiritus S. verba illa dixit, non sequitur verba illa de Spiritu S. dicta esse. Sicut nec ex eo, quod verba illa dixit Esaias, ut est apud Iohannem in loco citato, sequitur ea de Esaia dicta esse. Quod verò Spiritui S. ibi tribuatur loquela, id figurato loquēdi modo fieri posse, etiamsi persona non sit, ea exempla docent, quibus etiam scripturam & Abelis sanguinem loqui affirmatur. Videat igitur, Ravensp., quomodo in fumum abierit Syllogismus ipsius, quem annexit, cùm assumptio partim falsa sit, partim inconsequens. Falsa, quod Filius & Spiritus S. verè sint Iehova. Inconsequens, quod, etiamsi vel ita appelletur Filius, vel idem Spiritui S. tribuatur, quod de Iehova prædicatur, hinc tamen non consequatur, vel Filium vel Spiritum S. esse Iehovam. cùm Filio id nomen tribui possit, quia personam Iehovæ sustineat: Spiritui verò S., quia Dei virtus sit.

Vnitatem porrò essentiæ divinae testimoniis ex novo Testamento adductis, concludi ait, sed captiosè. Nam non de unitate essentiæ divinæ simpliciter, sed quatenus ea tribus personis competit, dicere coepit. Ephes. autem 4. 5, 6, tantum unius Dei & patris omnium fit mentio. 1. Timoth. 2. 5. unius Dei & unius mediatoris Dei & hominū, hominis Iesu Christi. Ioh. 10, 30 de Christo & patre dicitur, quod unū sint, sed quod Essentia unum sint, probari hactenus non potuit. c. 14. 10, Christum in Patre, & Patrem in Christo esse dicitur, sed unitas Essentia

sentia hinc nullo modo probatur, ut alibi docuimus in refutatione
Vnius paris Sophismatum &c. Mirum igitur est, cur tanti viri rerum con-
 troversarum tam obliquam, imò obscuram & perversam instituant
 probationem. Sed tandem illustrem locum afferit, Ioh. 5, 7., ex quo u-
 nitatem Essentiae, in tribus scilicet personis, probare annitur. Vnde cō-
 stat, me rectè ab initio captionis accusasse Ravensperg. Duo autem
 momenda in hunc locum ait: Ejus certitudinem & expositionem. De
 certitudine disserturus, ait, versiculum hunc non esse ab homine ad-
 ditum; & accusat Arium, qui hunc versiculum e Bibliorum codice e-
 jecisse fertur. Sed bene est, quod fertur Arius ejecisse. Multa enim so-
 lere dici, quæ falsa sunt, præsertim ab aduersariis malevolis, quis est
 qui nesciat; & mendacium hoc impudentissimum esse, quivis sensatus
 facilè conjectare potest. Sed audiamus, quomodo probet Ravensp., e-
 um ab Apostolo esse conscriptum. 1. ait, *confirmat id coherentia con-*
textus v. 8. uj τρεις είσιν, quæ copula inepta esset, nisi quædam inter ver-
sum 6 & 8 intervenirent. Sed magnum hoc est negligentia Ravensp.
 argumentum. Nam in exemplaribus, quæ versiculo isto carent, aliter
 habent illa verba, nempe in hunc modum: *Hic est qui venit in aqua &*
sanguine, Iesus Christus, non in aqua tantum, sed in aqua & sanguine, &
Spiritus est, qui testatur. Nam Spiritus veritas est. Nam tres sunt, qui te-
stantur in terra, Spiritus, aqua & sanguis. 2. Est. Testimoniorū du-
 orum cādem rem confirmantium oppositio, Terreni scilicet, & cō-
 lestis, *Cur enim, ait, tres testimonium dare in terra dicentur, nisi testi-*
monii dati in cōculo mentio facta fuisset? Sed & hoc ejusdem valoris est.
 Nam in plerisq; exemplaribus, quæ versiculo isto carent, desunt eti-
 am illa verba, *In terra.* Videatur versio Iunii & Tremellii, & Eraimi
 annotationes in hunc locum, qui ait: *In græco codice tantum hoc repe-*
rio de testimonio triplici: Quia tres sunt, qui testantur, Spiritus, aqua, &
sanguis. & Cyrilli afferit testimonium, qui, contra Arianos dimicans,
 locum hunc omiserit, nō omissurus cum, si aut scisset, aut credidisset,
 hoc fuisse scriptum ab Apostolo. Videatur etiam judicium Theolo-
 gorum Lovaniensium. 3. est. Consensus tum veterum tum recenti-
 torum exemplariū. *Habet enim, ait, hæc verba, præter Syriacum exem-*
plar, correcta exemplaria omnia, Legit eadem Hieronymus, Cyprianus,
Britannicus codex, Complutensis editio, & vetusti Rob. Stephani libri.
 Primum falso est, quod dicitur de correctioribus exemplaribus o-
 mnibus. Nam omnia serè exemplaria Græca, & antiquiora latina, ver-
 ba illa non habent; Syriacæ etiam versionis autoritas non postrema
 est: Illis verò, qui verba ista legunt, opponi possunt tot autoritates ve-
 terum & recentiorum, ut meritò eos pudere debeat, qui contrarium

De loci 1. Ioh. 5.
corruptionē.

affirmant. Vni enim Hieronymo(nam Cyprianum non meminit)opponit Beza, Nazianzenum, Athanasium, Dydimum, Chrysostomum, Hilarium, Cyrillum, Augustinum, Bedam. Plerosq; horum Erasmus etiam commemorat , & alia multa scribit, unde apparet, verba ista prorsus esse suspecta & adulterina.

Sed nunc expositionē loci hujus, tempus est, ut examinemus. Nam etiamsi, ut hactenus ostendimus, locus sit suspectus, tamē admissus etiam, nihil adversarios juvat. De Scopo non est, quod dicamus quippiā. Omnib; enim notum est, Iohannem causas afferre, quare credere debeamus, Iesum esse Christum. Per Verbum, Christum intelligi non diffitemur. Per spiritum S. intelligi tertiam personā Trinitatis, quod vult Ravensper., tam diu falsum erit, donec probetur, Spiritum S. esse personam. Credimus autem, intelligi per spiritum, non tantū miracula, sed istas etiam divinas operationes, quæ, tum Christo in terris degente tum exaltato, in Apostolis & in aliis fidelibus apparuerunt. Sed quæ tandem unitas horum trium esse statuitur? Testimonialis, ait Ravensp. & essentialis. De priori sola sermonem esse nos contendimus, qua in re non paucos habemus a partibus nostris Theologos, ut ipse etiam Ravensp. fatetur. At, ait, ex unitate consensus unitas voluntatis, ex unitate voluntatis unitas essentiæ magis concluditur quam negatur. Hoc si verum sit, jam non ex his verbis, sed ex eo, quod illa significant, unitas essentiæ in tribus personis colligetur. Sed falsum est, ex unitate voluntatis, concludi essentiæ, præsertim numero unius, unitatem. Si aliunde constaret, essentiæ unitatem in tribus personis dari, posset fortasse, per quandam conjecturam, hic locus etiam eō pertrahi: At non probata ista essentiæ unitate in tribus personis, tacita est principii petitio, ab unitate voluntatis ad unitatem essentiæ argumentari.

Sed argumentum contra nos habet Ravensp. tale: *Hi tres testes aut sunt tres personæ substantiæ ve, aut tria accidentia modive. Posterius dici non potest. Ergo dicendum prius.* Respondeo majorem esse falsam. Possunt enim hi tres testes, nec accidentia modivē esse, nec tres personæ aut substantiæ, sed possunt esse quidam personæ, ut Pater & verbum, tertius res. ut etiam testes sunt, Aqua, sanguis & Spiritus. Deinde possunt esse testes quidam personæ: nec tamen personæ pares prorsus, & æquè divinæ, ut est Pater, & verbum. Iam vero ad sententiam Ravenspergeri stabilendam requiritur, tum ut sint omnes tres personæ, tum ut persona prorsus pares & æquè divinæ. Hoc non considerasse Ravenspergerum miror. Nam, acsi Major est ipsissima veritas, ita nullam ejus probationem affert, quā tamen vix aliquid fasius dici potest. Sed præterea insulsa est ipsius altera illatio, quando sic ait: *Sitres isti testes sunt tres personæ. Et tamen simul sunt*

De sensu loci
2. Ioh: 5.

Argumentum
Ravensperg.

Responsio.

unum, sequitur, quod vel unum sint consensu tantum vel essentiā solum, vel utraq; parte simul. Non solum essentiā, quia etiam consensu, quod est in confessio: nec solum consensu, quia etiam essentiā. Etenim si tresisti sunt tres essentiā: tres sunt essentiā, adeoq; Iehovā. At Iehova Deus noster Iehova tantum unus est. Deut: 6. Ergo tres illi etiam essentiā unum sunt. Primum enim major iterum falsa est, cū plures dentur species unitatis, quām consensus & essentiā, nēc potestatis, ut in explicatione loci Ioh. 10, ostensum est. Deinde altera pars minoris, quando dicitur: Nec solum consensu, quia etiam essentiā, quid est aliud, quām desperata principii petitio? Et tamen nos ista audire ex ore istorum Dictatorū oportet.

Deniq; objectiones Tritheitarum Ravensperg. adjicit triplices, petitas nimirum vel ex scripturis, vel ex Patribus, vel humanis rationicationibus. Et ex scripturis quidem adducit, quod ea quemlibet istorum trium Deum appellant: Patres pluralitatem Deorum approbare: Rationes deniq; & rationicationes humanas idem confirmare ait. Evidem Tritheitarum errorem detestor. Falsissimum enim est, Scripturam Spiritum S Deum appellare: Filium verò, etiamsi Deum appelle, nō tamen eodem prorsus modo appellat, quo Patrem. Hunc enim Deum naturā & a se ipso pronunciat: Christum verò tamē, qui omnem divinitatem a Patre habeat: At refutationem tamen illorum, quam hīc instituit Ravensperg., non possum etiam non improbare. Primum enim rationem rejicit, & eam ad mysterium de essentia unitate in personarum Trinitate esse vespertilionis ad solem oculum affimat. Hoc verò cur non probavit Ravensperg.? Falsum enim esse vel hinc constat, quod nihil sit in universa religione, quod rationi sit contrarium, licet multa sint, quae eam superent. Præterea ex mente Tritheitarum non pro primario argumento id assertur, sed primum scripture, deinde Patres afferuntur, & deniq; ratio etiam subjicitur. Iam verò, si quid sit & scripture contrarium, & sententia Patrum & rationi deniq; ipsi, nā istud summè absurdum esse necesse est. Deniq; cur ipsemet Ravensp. suprà in exegesi thesi 5. fol. 9. argumenta ex ratione desumpta assert ad probandum, Deum tantum esse unum, si ratio nihil valet?

Deinde verò Ravensperg. ait: In scripturis & apud Patres unum & Trinum non opponi privative, quia de Deo utrumq; diverso respectu enuncietur. Vnum respectu essentia, Trinum respectu personarum. Non esse autem rem absurdam aut impossibilem, Tria esse unum, & unum Triā, diversis respectibus. Vbi primum fraus Ravensperg. de tegenda est, qui scripturecum Patribus ita copulet, ac si, ut scripture errare nequit, sic etiam Patres errare nequeant: vel potius, ac si idem, quod Patres affirmant, affirment etiam scripture, de Deo scilicet utrumq;

Ratio in religione
quatenus valet.

Lapsus Ra-
vens-
perg: gravis.

hoc prædicari. Quod sanè in tanto viro vix est tolerabile. Novimus, Patres, præsertim eos, qui post Synodum Nicenam vixerunt, de Deo prædicare, quòd sit Trinus & unus, diverso respectu: Sed quām gravi-
ter ea in re errent, abundè a nostris jam pridem demonstratum est. Et sanè dolendum iterum est, Ravenspergerum satis habuisse, affirmare,
non esse rem absurdam aut impossibilem, unum Tria & Tria unum
esse, quod tamen, si quid aliud, probandum fuerat. Quamquam hīc i-
terum dolus latet. Possunt enim Tria unum esse, sed non Essentiā. Hoc
n: est contradictionis implicatio. Sed dixerint, quid volerint, Patres,
dummodo id scripture non dicant, satis id nobis est ad repellendos o-
mnes aduersarios. Eas verò non dicere, quòd in una essentia divina
sint tres personæ, & rursus, quòd tres personæ sint una essentia, quod
Ravensperg. verbis ambiguis, unum esse Tria, & Tria unum, tegit &
involvit, jam ita constat, ut quidam ex aduersariis dicere coacti sint:
se credere Trinitatē, non quòd scripture dicat, sed quia non contradic-
cat; & alias dixit: Trinitatis dogma ex solis sacris literis probari sine
Ecclesiae traditionibꝫ non posse. Imò D. Graverus etiā, nuper in the-
sis de Spiritu S. editis, confessus est, dogma hoc ꝑt̄ōs ex sacris
literis probari non posse.

Deniq; ad caretat turpiter profugit Ravensperg., & dicit, *aliam*
esse rationem hominum finitorum, aliam Dei; & canonem hic valere;
Principia, quæ vera sunt de natura finita, non sunt transferenda ad na-
turam Dei infinitam, alioquin falsa sunt. Iam igitur acquiescendum est,
& relinquendus Ravensperg., quia sic controversiam concludit. Do-
ceat verò, aliam esse definitionem personæ apud Deum, aliam apud
homines, & non ita personam divinam esse essentiam individuam in-
telligentem, ut est humana. (Hac enim definitione admissa, necesse est
multiplicatis personis, multiplicari essentiam.) Hoc verò quia impos-
sibile est præstare Ravenspergero, unam in Deo ut essentiam, sic eti-
am unam tantum personam agnoscat, & proinde unum Deum, quem
scripturæ Patrem esse affirmant, unâ nobiscum colat & reveratur;
Christum verò pro eo, quem Deus ille unus Dominum nostrum u-
num effecit, ad summam Dei Patris gloriam & nostram consolatio-
nem, confiteatur.

Tria unum essen-
tiā esse non pos-
sunt.

Cardinalis Hos-
ius.
Vujekus Iesuita.

Eadem ratio per-
sonæ divinæ quæ
humana.

HA C T E N U S sectione prima de essentiæ divinæ Vnitate se egisse ait Ravensperg: qua perspicuitate, consideret Lector: Nunc ad probandam personarum Trinitatem, sectione posteriori transit. Videamus, quo successu. Prima thesi vocem Trinitatis jure usurpari docet. Hoc quidem nos non valdè impugnamus: Negamus autem ad hoc obtinendum requiri, quod asserere videtur Ravenspergerus, ista tria, quæ Trinitatis nomine appellantur, esse personas. Satis enim est, esse sive personas sive res. Deinde vocem ὁμοστοῖς Heb: 1. 3, personam significare, quia nulla ratione comprobat Ravensperg:, incertum & prorsus falsum censendum statuimus. Vox denique ὁμοστοῖς pro barbara prorsus reputanda est, nisi probetur, essentiam Dei cū aliquo communicari posse, quod, stante numerica illius unitate, ἀσύντατοι prorsus est. Rem autem, ὁμοστοῖς scilicet, haberi Ioh: 10. & 1. Ioh: 5. quām verum sit, ea, quæ in hac responsione dicta sunt, & in altera ad Vnu parsophisma, &c. docere satis superq; possunt.

Thesi 2. mysterii Trinitatis personarum in essentiæ divinitate probandam sumit, Necessitatem, Veritatem, Majestatem. Sed primùm parùm rectè distinctionem illam adhibet. Nam si necessitas iustius doctrinæ, eaque ad salutem spectans, ut postea, semetipsum explicans, addit Ravensperg: , quid opus est de veritate ejus differere? Quasi, quod ad salutem necessarium est, non sit etiam necessarium verum. Saltē veritatem necessitati anteposuisse, & tolerabile hoc esset. Sunt enim multa vera, quæ non sunt necessaria: at nihil necessariū est, quod idem non sit verissimum. Deinde nescio, quo fine ordinem horum membrorum postea Ravensperg: immutārit. Priùs enim de Majestate, quām de Veritate differit, cùm hanc priùs quām illam proposuerit. Quæ in alio ferenda essent, at in Doctore maximè. Porrò antequām istam necessitatem probet, frustra id allegat, quod nos fatemur, errorē circapersonas in unitare essentiæ divinæ per se nō damnare. Potest enim damnare per accidens, quod per se non damnat. Ignorantia veritatis in multis extra salutis jacturam datur: at cōtemtus veritatis, in minimis etiam, semper exitialis est: Prætereā errare in quibusdam, licet arduis, non damnat quidem: sed eos, qui diversum sentiunt in rebus, quæ ad salutem præcisè non pertinent, hoc est, quæ in sacris literis ꝑ̄t̄s expressa non extant. (hæc enim sola sunt ad salutem simpliciter necessaria,) damnare, hoc ipsum damnationis causa facillimè esse potest. Quod quia timidè facit Ravensperg:, valdè probamus: Rogam autem, ut, quia expressè id in sacris literis expressum non extat, cuj° causâ nos damnat, ulteriùs rem perpendat, & neminē eo nomine,

Ad Trinitatem
non requirantur
tres persona.

Lapsus aliquot
Ravensperg.

Quatenus damnet
dogma Trinitatis.

quod tres in divinitate personas non credat, dummodo confiteatur Deum Patrem, Filium & Spiritum sanctum, condemnare vel contemnere audeat.

Deinceps assertionem nostram damnabilem esse, & veram salutis æternæ viam prorsus obscurare & impedire, probare aggreditur, hoc modo: *Qui negat Iesum esse Christum, mendax est, & Antichristus, negans Patrem & Filiū. Atqui Sociniani (sic nos ex animi impotentia appellat) negat Iesum esse Christum. Ergo. &c.* Majorem concedimus. Nam Iohannis Apostoli est. Explicationem autem ejus, quid sit Negare Iesum esse Christum, quam affert Ravensperg., quod mendax sit, nempe talis, de quo Iohannes loquitur, is, qui falsum de Iesu sentiat, puerilem & falsam esse contendimus. Potest enim aliquis falsissimum aliquid de Iesu sentire, nec tamen negare, cum esse Christū. Ideoque & illud falsum est, quod porrō addit, *Mendacium igitur est, negatio veritatis de Iesu.* Nam & aliud est, Negatio veritatis, & aliud ignorantia ejus: & iterum aliud est, mendacium simplex, quod error dici potest, & aliud mendacium illud crassum, de quo Iohannes loquitur. His observatis, quæ per se facillima sunt, jam argumentum corruit, quod non Iohannis autoritate, sed Raven: explicatione nititur. Sed videamus probationem Minoris. Vbi iterum suas tantum promitt aduersus nos glossas Ravenspergerus. Sed nec suo loco id facit, nec temeritate, quod dicit, caret. Non suo loco id facit. Nam semel explicasse, quid sit Christum negare, satis erat. Autigitur hīc in minore id faciendum erat: aut absolvendum in majoris explicatione. Temeritate, quod dicit, non carere, hinc constat, quod ait, eum negare Iesum esse Christum, qui contra scripturas vel de persona vel de officio Christi malitiosè statuat. *Quis enim hominum scire potest, num aliquis malitiosè aliquid statuat de aliqua re?* Sic scilicet conscientias etiam petunt, qui, quomodo errores suos probent, non reperiunt. In coadem luto haerens, dividit deinde negationem Christi in universalem & particularem, & hanc esse ait, *cum quis ipsum fundamentum, hoc est officium vel personam Christi sophisticè impugnat, Christum suo honore spoliat, Christianos solido solatio privat.* Sed hæc omnia vel inceptè vel sophisticè dicuntur a Ravensperg.: Verum est quidem, cum negare Christum, qui ipsum fundamentum impugnat; verum est etiam, cum impugnare ipsum fundamentum, qui officium Christi impugnat: Falsum autem est prorsus, eum impugnare fundamentum, qui impugnat Christi personam. Nam sive quis neget Christum Deum esse naturā, quod falsum est, sive hominem naturā, quod verissimum est, tamē fundamentū ipsum non impugnat. Fundamentum enim (ut hoc semel dicamus)

1. Ioh: 2. 22, 23.

Error Ravenp.

Lapsus & errores Ravenp.

dicamus) est, credere Iesum esse Christum, nostrum Regem & Servatorem, promissis illius fidem habere, & præceptis illius obtemperare. Qui hoc credit, licet absurdum nescio quale de Christi persona sentiat, eum quidem graviter errare non dubitamus, fundamentum autem, nempe religionis, ab eo impugnari, non nisi inscitè dicitur. Adde, quod, si is negat fundamentum, adeoque Iesum esse Christum, qui sophisticè Christi personam impugnat, jam tanti sceleris reus erit cum omnibus suis Ravensperg. Si enim, quantumvis scriptura testetur creberimè, Iesum esse hominem; & hominis titulum nemo tueri possit, nisi idem persona sit humana: tamen contra sacras literas & contra sanam rationem, negant, Christum esse personam humanam, quod ipse etiam Ravensperg: in suo, quem vocat, Christianismo confitetur. An verò hoc non sit sophisticum aliquid, ex voce Deus, quæ munus significare potest & solet, personam divinam elicere: & deinde, ne, quia Christus dicitur homo, duæ sint in illo personæ, dicere, illum quidem hominem esse, personam autem humanam non esse, sed hominem illum, (scilicet) subsistere in persona divina, judicet æquus lector. Citiùs enim persuaseris homini sensato, diem esse noctem, quam hominem esse, qui non sit personahumana. & tamen hoc sentiunt omnes adversarii. Quo errore observato, totum de Christi persona commentum, quod illi sequuntur, corruit. Nam si Christus, quia homo est, persona humana est: jam divina persona esse nulla ratione potest. Essent enim duæ in Christo personæ, quod non tantum absurdum est, sed etiam contradictionem implicat.

Iam si quis dicat, Christum etiam Deum esse, respondemus, Quia vox hominis non potest sine persona cuiquam tribui, necessarium est, vocem Dei Christo tributam, non personam sed munus & dignitatem significare. Nullum enim datur tertium, vocis Dei, præter naturam (ut sic nunc loquar) vel personæ & muneris significatum.

Præterea aliud est Christi officium impugnare: & opinionem aliorum de officio Christi impugnare, vel cum aliis in sententia de officio Christi non convenire. Officium Christi is impugnat, qui negat Iesum nos servare posse aut velle, & certò servaturum, hoc est, a morte æterna liberaturum & donaturum vitam æternam: At is, qui negat, Iesum nos hoc vel illo modo servare vel servaturum, is non officium impugnat, sed vel circa officii modum errat ipse, vel ab aliis circa illum modum dissentit. Error verò hic, dummodò id firmum maneat, Christum nos servare posse & velle, & tandem servaturum recipi, nemini salutem per se adimere potest.

Christum suo honore spoliare, verè est, cum negare. Sed non o-

Ravensperg: Christi personam sophisti-
cè impugnas,

Christus est na-
turæ homo, Deus
dignitatem,

Quid sit Christi
officium impug-
nare.

Quid sit, Christū
honore spoliare.

mnis honor, qui Christo tribuitur, quantumvis speciosus, Christi ho-
nor est: & non, qui honorem non talem Christo tribuit, qualem alii,
Christum suo honore spoliat, sed, qui eum illi non tribuit, quo adem-
to, Christus esse nequit. Hac ratione olim Pontificis Evangelicis obje-
ctabant, quod Sanctos & Virginem Mariam, honores suo spoliarent:
nec tamen id quicquam curārunt nostri majores, persuasum haben-
tes, se falso tributum sanctis honorem, tantum illis ademisse, relicto
vero, qui illis debetur, honore, quatenus memoriam eorum beatam
& sanctam habent. Illud deniq; nescio quid sapit, quod dicitur, cum
negare Christum, qui Christianos solidō solatio privat. Hac ratione
Pontifici etiam de vobis conqueri possent, qui Indulgencias Pontifi-
cis Romani rejecistis. Has enim pro solatio solidō habent omnes Pó-
tifici; & si verē sint, certē nullum eis solidius esse potest. Quod igitur
Pontificis talia objicientibus respondere solet Ravensperg., hoc eti-
am nos, ipsi talia dicenti, regerere posse, tacitē secum cogitet.

His ita expeditis Ravensperg., quæ, quam sint fallacia & captiosa,
puto jam constare, nos officium Christi impugnare, ait, dum Satisfa-
ctionem Christi pro nobis præstata pertinaciter & contra clarissima
scripturæ testimonia abnegamus. Sed pertinaciter nos id abnegare,
quomodo is dicere potest, qui corda nostra non novit? cùm sæpe nu-
mero pertinax is esse videatur, qui constans est. Iam si is pertinax est,
qui non patitur se a sua sententia avocari, pertinaces sunt omnes E-
vangelici, quos nec Pontifici nec nos a quibusdam erroribus ulla rati-
one avocare possumus. Deinde falsum est, testimonia scripturæ ulla,
nedum clarissima extare, de satisfactione Christi pro nobis præstata.
Nulla extare, libri nostri ea de re editi docent, in quibus, nullâ justâ cō-
sequentia elici dogma illud ex sacris literis posse, perspicue demon-
stratur. Clarissima non extare, id argumento est, quod ad literam, ut
ajunt, nusquam doctrina illa descripta extet. Quæ verò per conseque-
tias deducuntur, ea clarissima esse dici nequeunt, & proinde nec ad sa-
ludem necessaria. Nihil enim ad salutem necessarium est, quod non sit
non tantum clarissimum, sed etiam iisdem verbis expressum in sacris
literis, alijs illis, qui consequentias non capiunt, quorum major sem-
perfuit in Christi Ecclesia numerus, malè prospicet, imò actum de
illorum salute prorsus esset. Deniq;, etiamsi clarissima extarent ejus
rei testimonia in sacris literis, dici tamen non posset, illum, qui ea ne-
gat, negare, Iesum esse Christum, & fundamentum impugnare. Non e-
nim, ut, quæ necessaria sunt ad salutem simpliciter, clarissima esse ne-
cessa est, sic vicissim, quæ clarissima sunt, omnia ad salutem sunt nec-
essaria. Clarissima sunt multa: necessaria ad salutem simpliciter, patera,
imò pau-

Pertinaciam ne-
mo facile judica-
re potest.

De satisfactiōne
Christi nulla ne-
dum clara testi-
monia extant.

Non omnia quæ
clarissima nec-
essaria.

opponere conatur. Hoc nunc monebo: Ravensperg: nimis ineptire, *Inertia R. Gen. f. Berg.*
 dum dicit, posse nos quidem baptizari in verbo, seu per verbum gratiæ, additis etiam vocabulis Germanicis. cùm non de baptismo in
 verbo, seu per verbum gratiæ, sed de commendatione tantum verbo
 gratiæ Dei, loquatur Apostolus, Act: 20. Quæ deinde scribit de loco 1. Cor: 8. 6. quod verba Pauli non exclusivè hic, quoad Filium &
 Spiritum sanctum intelligenda sint, sed inclusivè: vocabulum Dei &
 Patris non ὑποστατικῶς sed ἀστικῶς hic accipi: quæ denique de loco
 Ephes: 4. 6. differit, refutata sunt in responsione nostra, ad Vnum pars
 sophismatum, in quo eadem dicit Ravensperg.


Quæ affirmat thesi 9, nempe Patrem, Filium & Spiritum sanctum, esse coessentiales & omnimodo proprietatis essentialibus æquales, non est, quod refutemus. Negatis enim personis illis, quomodo aliquid de illis jure prædicari potest?


Thesis etiam 10, quæ Patrem, Filium & Spiritum sanctum, ita inter se distinctos realiter esse, ait, ut unus non sit alius, quia falso nititur fundamento, nullare refutatione indiget. Distinctus quidem est filius a Patre realiter. Pater enim Deus naturâ est: Christus naturâ homo, munere autem Deus. Spiritus vero sanctus, siquidem in Deo ita est, ut in homine spiritus illius est, quomodo ita distinctus esse potest, ut sit persona, a Deo, cuius est spiritus, diversa? Sed hac de re nuper sciimus plura in refutatione Disputationis D. Graveri de Spiritu sancto.





g 534
2





19569

9534
2

